



續十八史略讀本

宮脇通林編次

二

U8
1468
2





定有天下之號曰明

門 伊 8
號 1468
卷 2

皇者對舉也

續十八史略讀本卷之二

伊豫 宮脇通赫 編次

明上

在位三十九年

大祖高皇帝在位三十九年姓朱名元璋字國瑞濠州人帝先故沛人徙江東句容為朱家巷宋季大父再徙淮家泗州父世珍又徙鍾離太平鄉母陳氏生四子帝其季也帝生於元天曆戊辰之九月丁丑其夕赤光燭天里中人競呼朱家火及至無有三日洗兒父出汲有紅羅淨至遂取衣之故所居名紅羅障少時常苦病父欲度為僧歲甲申泗大疫父母及兄俱死貧不能殮藁葬之仲與帝昇至山麓綆絕仲還

赤光之祥

紅羅之祥

綆音便索也

續十八史略讀本卷之二



土墳起成

高龍

皇覺寺為

僧

清四書錫云明太祖父高皇帝廟號高皇帝其少時為僧因力僧崎嶇猶言解脫也致音教也古為力三從也用貝神之能宰中驗其背而以下名山猶言神圖也

伽藍卜吉

太祖附郭

子興

取縵留帝守之忽雷雨大作帝避村寺中比曉往視土墳

起成高龍地故屬鄉人劉繼祖繼祖異之歸焉尋仲又死

帝時年十七遂入皇覺寺為僧濠州今江南鳳陽府泗屬

淮縣元天曆元年文宗年號大父祖父也障險要之處別築

城置兵守之謂之障昇音豫對舉也麓音鹿山足也縵音梗索上墳墳逾月僧乏食帝乃遊江淮崎嶇三載仍還皇

上聲拊裂也

覺寺時汝穎兵起騷動濠州定遠人郭子興據濠州元將

徹里不花憚不敢進日掠良民邀賞帝詣伽藍卜吉問避

亂不吉即守故又不吉因祝曰豈欲予倡義邪大吉意遂

決乃入濠城見郭子興汝穎兵起元至正十一辛卯歲五

壽輝等兵起郭子興據濠州元至正十二壬辰歲正月郭子興起兵破濠州是時明太祖年二十五卜吉廣勺杯琰

古者以玉為之類篇巫以占吉凶者杯琰用兩蚌殼或用竹根琰或作筴石林燕語高辛廟有竹杯筴以一俯一仰為聖筮祝以言告神也

子興奇其狀貌與語大悅之取為親兵凡有

攻伐命之往輒勝子興故撫宿州馬公女為己女遂妻焉

即高后也壬辰年元至正十二年八月元丞相脫脫破徐州芝麻

李道去彭早住趙均用帥餘黨奔濠子興屈己下彭趙遂

為所制彭趙據濠稱王帝每有大志矣癸巳年元至正十三年春

帝乃歸鄉里募兵得七百人濠人徐達湯和等皆往歸焉

甲午年元至正十四年七月帝徇定遠下滁陽時彭趙御下無道

帝乃以七百人屬他將而獨與徐達湯和等二十四人南

略定遠得壯士三千餘人定遠繆大亨以義兵二萬屯橫

行海路

三西人者徐達湯和等時費吳祖花雲陳德文府勝宗陸仲郭興郭新材郭振周鏡周慶

太祖與二十四人略定遠

太祖歸鄉里募兵

卷之...

馮國用請先拔金陵定鼎

澗山帝命花雲夜襲破之大亨舉眾降軍聲大振定遠馮

國用率眾歸附帝見奇之因問大計國用對曰金陵龍蟠

虎踞帝王之都願先拔之定鼎然後命將四出天下不難

定也帝悅任以帷幄御行定曰御器行取曰器用力不多

鄭邠惟幄前漢張良傳運籌策惟幄中定遠李善長來謁留幕下掌書記畫

饋餉甚見親信是月帝進攻滁陽克之因駐師焉朱文正

李文忠來歸朱文正太祖孟兄南昌王子先同其母避亂與太祖相失李文忠太祖姊曹國長公主子

公主卒其父攜文忠走亂軍中幾不能存至是聞太祖駐兵滁陽皆來歸太祖大悅文忠年十二與沐英皆賜朱姓

而憐之令高后育之為子河世隆來降未逾月彭趙挾子興征泗州而彭中流失死趙益自專銜子興欲殺之子

釋名勒洛也路其頭而引之也勤者有街羅者筆街

智伏滁陽二子

興乃歸滁帝因立子興為滁陽王奉其號令子興二子懼

帝威名置酒毒之帝已覺之猶從二子往中途佯仰視勒

馬轉曰空中神人說爾二人以酒毒我二子駭汗浹背自

此不敢萌害意虹縣胡大海來歸帝一見語合用為前鋒

乙未年元至正十五年正月滁師乏糧諸將謀所向帝曰困守孤

城誠非計今惟和陽可圖張天祐湯和等奮戰克之帝遂

據和陽音鹹恨也勸抑也虹縣屬今江南和州子興屬帝無定城

中三月郭子興卒帝併統其軍虹縣人鄧愈來歸懷遠人

常遇春剛毅多智勇膂力絕人年二十三為群雄劉聚所

得遇春察其無遠圖棄之來歸未至假寐田間夢神人呼

諸將和陽是橫... 保帝制於夫婿不相... 曰諸將目擊其多疑... 妻女軍中無紀律何以... 世果成所得婦去生... 三於是皆指而去人民... 恨

撫定和陽

常遇春來

常遇春挺戈躍采石

不殺陳桢

之曰起起主君來適帝騎從至即乞歸附請為先鋒六月

帝帥諸將渡江達牛渚帝先抵采石磯時元兵陣於磯上

舟距岸三丈許未能卒登常遇春飛舸至帝麾之應聲挺

拔之牛渚磯名在江南太平府城北牛渚山下渚有石曰磯采石磯在太平府城北采石山下去牛渚磯僅一

里假寐不脫衣冠而寐方山寨民兵元帥陳桢先與其將

康茂才水陸分道寇太平城下帝親督兵禦之命徐達等

以奇兵出其後設伏擒桢先帝釋不殺桢先詐曰生我何

為帝曰天下大亂豪傑並起勝則人附敗則附人爾既以

豪傑自負豈不知生爾之故桢先曰然則欲吾軍降乎此

易耳乃為書招其軍明日皆降桢先之為書也意其眾未

必從陽為招詞陰實激之不意其眾遽降自悔失計及聞

帝欲攻集慶私謂部曲曰汝等攻集慶毋力戰俟我得脫

還當與元兵合帝聞其謀召語之曰人各有心從元從我

不相強也縱之還諸軍進攻集慶桢先遂與元福壽合拒

戰於秦淮諸軍失利桢先來追經葛仙鄉鄉民兵百戶盧

德茂遣壯士五十人衣青出迎桢先不虞其圖已青衣兵

自後攢槊殺之集慶即江寧府部曲大將軍營五部部校尉一人部有曲曲有軍候一人秦淮在江

寧府上元縣治東南秦始皇鑿渠屬丙申年元至正三月帝率諸將取集

慶路破陳兆先釋兆先而用之擇其降兵驍勇五百人置

金華先死其子兆先復集也方山

智安降兵

克金陵

禮葬元將福壽

康茂才來歸

麾下五百人者多疑懼不自安太祖覺其意是夕令入宿衛環帝而寢悉屏舊人於外獨留馮國用一人侍臥榻傍帝解甲安寢達旦疑懼者始安國用率五百人攻金陵先登陷陣敗元兵於蔣山直抵城下諸軍拔柵競進克金陵元御史福壽死之帝入城諭曰賢人君子有能相從立功業者吾禮用之舊政有不便者吾為汝除之軍民私相慶幸帝嘉福壽忠禮葬之禮葬之蘄州人康茂才初結義旅有功於元累遷宜慰使都元帥成采石及帝渡江奔金陵至是率眾來降帝欲取鎮江命徐達為大將率諸將浮江東下戒之曰吾自起兵未嘗妄殺今爾等當體吾心戒戰士卒城

克鎮江

奉帝為吳國公

聘秦從龍

下之日毋焚掠殺戮有犯令者處以軍法縱者罰無赦達等頓首受命進兵攻鎮江克之號令嚴肅城中晏然六月命鄧愈等攻廣德路克之改為廣興州七月諸將奉帝為吳國公洛陽人秦從龍仕元為校官會兵亂以老避居鎮江帝素聞其名命朱文正往聘之既至帝親迎入事無大小皆與謀從龍盡言無隱每筆書漆簡問答甚密左右無知之者帝呼為先生而不名九月帝如鎮江謁孔子廟分遣儒士告諭鄉邑勸農桑丁酉年元至正十七年四月克寧國元將朱亮祖楊仲英降亮祖六合人初為元義兵元帥帝克太平來降尋叛去數與明軍戰兵為所獲者六十餘人諸

執朱亮祖

將勿能當至是徐達常遇春等圍亮祖於寧國遇春被創而還帝督兵破之縛亮祖以見帝曰今如何對曰是非得已生則盡力死則死耳帝壯而釋之令從征尋遣諸將取徽池兩州遂克常州累大湖取江陰張士誠累敗勢日窘又為元楊完者所破乃降于元十一月元楊完者來攻徽州胡大海鄧愈等擊走之遂攻婺源斬元將帖木兒不華元帥汪同降戊戌年元至正十八年二月李文忠取旌德太平等縣遂進攻嚴州克之以康茂才為營田使帝諭之曰比因兵亂隄防頽弛民廢耕耨故設營田使以修築隄防今軍務實殷用度為急理財之道莫先於農事故命爾此職大

以康茂才為營田使

立民兵萬戶府

抵設官為民非以病民若所至紛擾無益於民則非付任之意四月天完平章陳友諒陷江西龍興瑞州遣其黨趙普勝寇池州守將趙忠戰死六月張士誠兵寇常州湯和力戰敗之復寇常熟廖永安與戰于福山港大破之追至通州狼山獲其戰艦而還十一月立民兵萬戶府諭行中書省臣曰古寓兵於農有事則戰無事則畊暇則講武今兵爭之際當因時制宜所定郡縣民間武勇之材宜精加簡拔編緝為戶立民兵萬戶府領之俾農時則畊閒則練習有事則用之事平有功者一體陞擢無功者還為民如此則民無坐食之弊國無不練之兵以戰則勝以守則固

取婺州開郡學

才誠臣珍至兵圍諸營提水灌城大獲之身遇水灌珍珍寤即上扞天珍求解兵去大海三都事王世謙曰賊狡解難信不如擊之大海曰假果有言以信之且言出而皆不信既繼而擊之不為遂離之

庶幾寓兵於農之意也。簡撰也。陞音升進也。登也。十二月胡大海等攻婺州久不下。帝命李善長徐達守金陵。自率常遇春等兵十萬往征之。圍其城。拔之。改婺州路為寧越府。以和州人王宗顯知寧越府事。開郡學。時喪亂之餘。學校久廢。至是始開。絃誦聲。己亥年。元至正十九年。正月。胡大海李文忠取諸暨。州。張士誠將華元帥遁去。二月。張士誠兵寇江陰。艤艦蔽江。守將吳良擊破之。擒其將士五百人。殺溺死者甚眾。時賊屢侵常州。吳良及弟禎守禦有方。每寇至輒破走之。士誠數敗。氣鬱。自是不敢犯境。帝召之入見。勞之曰。吳院判保障一方。使吾無東顧憂。其功大矣。賜車馬珠玉。不足旌

附方國珍來

為天下屈四先生

命諸儒臣為詩文美之。艤艦狹而長。曰艤艦。以衝敵船。索懼也。又蓋也。易。震卦。索索。疏。心不方國珍以溫名慶元三郡來附。民有獻美女者。帝誅之。絕其獻。七月。帝還金陵。遣兵取無為州。九月。常遇春攻衢州。克之。十一月。胡大海耿再成進取處州。元守將石抹宜孫戰死。元帥胡深來降。聘青田人劉基。浙人宋濂。葉琛。章溢至。帝曰。我為天下屈。四先生賜坐。基自幼聰明。絕人凡。天文兵法性理。諸書過目洞識。其要。元至正初。舉進士。授高安縣丞。累官江浙儒學副提舉。時方國珍起兵劫掠郡縣。基建議言。方氏首亂。宜捕而斬之。不用。安置紹興。遊西湖。有異雲起西北。同遊者皆以為慶雲。將分韻賦詩。基

此天子氣

趙天澤識
劉起

獨○飲○不○顧○太○言○曰○此○天○子○氣○也○應○在○金○陵○十○年○後○有○王
 者○興○我○當○輔○之○時○杭○州○猶○全○盛○皆○大○駭○以○為○狂○時○無○知○基
 者○惟○西○蜀○趙○天○澤○奇○之○以○為○諸○葛○孔○明○之○流○有○說○基○者○曰
 今○天○下○擾○擾○以○公○才○略○下○括○蒼○併○金○華○吳○越○可○折○簡○而○定
 因○畫○江○守○之○此○句○踐○之○業○也○基○曰○吾○生○平○忿○方○國○珍○張○士
 誠○輩○所○為○用○子○計○與○彼○何○殊○耶○且○天○命○將○有○歸○子○姑○待○之
 會○帝○下○金○華○定○括○蒼○基○乃○指○乾○象○謂○所○親○曰○此○天○授○非○人
 力○也○至○是○帝○遣○使○聘○基○遂○決○計○趨○金○陵○陳○時○務○十○八○策○帝
 嘉○納○之○濂○球○溢○皆○命○官○基○留○悻○惺○預○機○密○謀○議

青田今處州府青田縣高安今江西瑞州府高安縣西湖在浙江杭州府城西可折簡而定言其易也古者以竹簡為書庚子年

花雲妻部氏

花雲侍兒孫氏

雷老

元○至○正
 二○十○年
 五○月○陳○友○諒○攻○陷○太○平○知○府○許○瑗○死○之○守○將○花○雲
 被○縛○雲○怒○罵○曰○賊○奴○爾○縛○吾○吾○主○必○滅○汝○遂○奮○躍○大○呼○起
 縛○盡○絕○奪○守○者○刀○連○殺○數○人○被○賊○碎○首○至○死○罵○不○絕○口○妻
 部○氏○生○子○煒○方○三○歲○語○家○人○曰○城○且○破○吾○夫○必○死○之○吾○不
 獨○生○然○不○可○使○花○氏○無○後○兒○在○若○等○善○撫○育○之○部○氏○赴○水
 死○侍○兒○孫○氏○抱○兒○逃○漢○軍○掠○之○孫○氏○恐○被○害○以○簪○珥○屬○漁
 家○鞠○之○漢○敗○孫○氏○脫○身○至○漁○家○取○兒○去○登○舟○渡○江○遇○漢○潰
 軍○奪○舟○梓○孫○子○及○兒○投○之○江○江○中○得○斷○木○附○之○入○蘆○渚○中
 取○蓮○實○啗○兒○凡○七○日○夜○有○老○父○號○雷○老○引○見○帝○帝○抱○泣○曰
 此○將○種○也○命○賜○雷○老○衣○忽○不○見○追○之○無○所○得

耳珠在耳又耳瑤梓音

卒持頭髮也陳友諒既陷太平弒徐壽輝遂自稱皇帝國號漢

金陵震動或欲降劉基曰敢言降者斬初康茂才與友諒

善令遺書誘之為內應速來友諒遂進兵伏兵擊之友諒

敗走遂復太平帝以其謀語李善長善長曰方憂寇來何為誘致之帝曰遲則東與張士誠謀合為

害益大今先破此賊則東寇膽落矣善良曰善友諒既至

伏發敗走殺溺死者無算生擒七十餘人收得巨艦百餘

艘戰船數百辛丑年元至正二年八月拔江州及蕪黃等郡陳友

諒奔武昌壬寅年元至正二年金華苗帥蔣英劉震等作亂

殺參政胡大海又處州苗帥李祐之賀仁德聞蔣英等殺

胡大海亦作亂殺院判耿再成二郡煽亂李文忠即率兵

煽熾也

苗帥作亂殺胡大海耿再成

馳赴鎮撫之苗帥苗兵元帥也苗正字通苗人古三苗之裔自長沙沅辰以南晝夜郎境皆有之與

夷混雜通曰南蠻癸卯年元至正二年十一月三年正月陳友諒據胡廣張士誠

據浙西劉基曰士誠守虜耳友諒居上流宜先伐之陳氏

滅張氏囊中物矣四月朱文正守南昌陳友諒大舉圍之

日久乏糧文正遣張子明潛達金陵告急子明還為漢兵

執使歸誘降子明許之及至城下呼曰諸公須堅守大軍

即至友諒怒殺之文正以圍急遣一兵號捨命王詣友諒

約日出降以緩其圍及期不降捨命王自殺而帝親帥師

至矣與友諒接戰于鄱陽湖帝被圍莫脫指揮韓成服帝

冠袍投水圍乃解又帝與友諒鏖戰劉基驚曰難星過速

更舟帝急更之舊舟已為敵砲碎友諒連舟縱戰望之如

張子明節義

周顛不死
皇朝通紀云命履以履積薪殿之云後有人見顛在廬山中仰觀周顛仙傳

毀鐘金牀

山帝乘風縱火湖水盡赤友諒中流矢死其子理奔武昌
（鑿音與平聲畫）有周顛者每見帝必曰告太平帝厭之又
 言不死命覆顛以甕積薪燬之火息啓視顛正坐晏如從
 帝征友諒舟至皖城苦無風問顛顛曰只管行只管有風
 無膽不行便無風行不三十里果大風倏達小孤竟如其
 言帝怒其顛屢投之水不濡竟去不知所之甲申年元至正
 年正月帝即吳王位陳理既還武昌帝復進兵圍之不
 下乃親往視師理遂出降城中飢困給粟賑之於是湖廣
 江西悉平江西行省以陳友諒鏤金牀進帝觀之曰此與
 孟昶七寶斛語何異即命毀之（鏤音漏）（昶音唱）（斛音荒）去
（聲濁與尿同小便也）孟昶

昶字孟博眉州丹棱人其父孟昌言為文辭所傳者其父昶也

五代時蜀主宋太祖滅後蜀乙巳年元至正十月徐達
 見蜀主七寶裝溺帝命碎之

常遇春等克淮安進攻泰州張士誠遣舟師薄淮安丙午
 年元至正五月帝議討張士誠李善長以為未可徐達

進曰張氏驕橫暴殄奢侈此天亡之時也其所任驕將如
 李伯昇冒珍之徒皆齷齪不足數王蔡葉二參軍迂闊書

生不知大計臣奉主上威德聲罪致討三吳可計日而定
 帝大喜曰汝合吾意事必濟矣八月命徐達為大將軍常

遇春為副將軍帥師二十萬伐張士誠（齷齪音捉錯急迫）
 蘇州府為東吳鎮江府為集諸將佐諭之曰卿等宜戒飭
 中吳浙江湖州府為西吳

士卒毋肆虜掠毋妄殺戮毋發丘壟毋毀廬舍聞士誠母

千七年夏六月命有司訪求
今書籍成之秘府以資覽閱
因謂秘書監同書曰至五帝之
書不盡傳也故後世糾和其
行事漢武帝雖求遺書六經
始出唐虞三代之治可謂而見
武帝雖求遺書六經始出

諭曰自人以家業深並也
所在割據而有陳友諒有孫正
詔官連地土主權聚眾不令
年入三同相與批者徐年
觀三人所志不在民也言言
言言言言言言言言言言
張士誠據有浙西連兩淮
其強以處侵疆場藉藉諸將
征討於玉而淮浙浙西皆歸
郡天下故令等討之

張士誠
諭將佐

葬姑蘇城外。慎勿侵毀其墓。皆再拜受命出。帝復召達遇春曰。爾等用師。孰先遇春曰。逐梟者必覆其巢。去鼠者必熏其穴。此行當直搗平江。平江既破。其餘諸郡可不勞而下。帝曰。不然。士誠起鹽販。與張天驕潘原明輩。皆相為手足。士誠窮蹙。天驕輩懼。俱斃。必併力救之。今不先分其勢。而遽攻姑蘇。若天驕出湖州。原明出杭州。援兵四合。何以取勝。莫若先攻湖州。使其疲於奔命。羽翼既披。然後移兵姑蘇。取之必矣。十月。徐達師至湖州。士誠發兵來援。大敗之。而守將李伯昇及張天驕遂舉城降。朱文正師下杭州。守將潘原明出降。文忠入宿城上。秋毫無犯。一卒強入民

李文忠軍法

二月太祖謂中書省臣曰。昔魏晉田疇。見人民凋敝。地荒蕪。失業者多。蓋因久旱。如太平。應天諸郡。大渡江。開創之地。惟德先。三民其有。稅重。則民少。逃民乃。皆。傳。對曰。惟。王。者。三。皆。在。軍。中。皆。稱。而。為。將。能。為。我。軍。之。首。領。也。三。民。其。有。皆。在。軍。中。皆。稱。而。為。將。能。為。我。軍。之。首。領。也。三。民。其。有。皆。在。軍。中。皆。稱。而。為。將。能。為。我。軍。之。首。領。也。

夏六月。賊既圍既久。免國出。時。春。率。軍。至。臨。陣。三。運。春。撫。三。御。皆。曰。軍。中。皆。稱。而。為。將。能。為。我。軍。之。首。領。也。三。民。其。有。皆。在。軍。中。皆。稱。而。為。將。能。為。我。軍。之。首。領。也。三。民。其。有。皆。在。軍。中。皆。稱。而。為。將。能。為。我。軍。之。首。領。也。

家礫以徇。徐達會諸將進圍平江。陳音窄裂。帝命劉基卜地定作新宮。書古事蹟。可法戒。及大學衍義。于壁。丁未年。元至正二十七年。正月。遣指揮戴德率兵取沅州。二月。命免太平府租賦二年。應天鎮江等處租賦一年。此以渡江開創之地。久困兵革也。六月。徐達等囚張士誠。送金陵。帝欲全之士。誠自縊死。蘇杭等地悉平。九月。帝召諸將褒諭之。封左相國李善長為宣國公。右相國徐達為信國公。平章常遇春為鄂國公。其餘進爵賜金帛有差。先是承元制禮義。猶尚右。至是命百官禮義俱尚左。十月。命徐達常遇春率甲士二十五萬北伐。定中原。復命胡廷瑞為征南將軍。率

吉安寧國等軍南取八閩航海趨廣東平章楊璟率荆湘之衆以取廣西十一月命大史令劉基定律令劉基又及大史院屬高翼以所定戊申曆來上遂命領行之遣御史大夫湯和督諸軍討方國珍國珍之初降也約曰杭城下即納地來朝帝克杭州猶自據如故乃累假貢獻來覘虛實為叛服計又北通擴廓帖木兒南交陳有定圖為掎角至是命湯和帥師討國珍於慶元國珍遁入海島復命廖永忠自海道會和討之國珍惶懼遂及弟國珉等率所部來降和送國珍於金陵浙東悉平

方國珍降來降和送國珍於金陵浙東悉平
掎角左傳襄十四年譬如捕鹿晉人角之謂戎牽制也正勻繼其後曰掎絀其前曰角
十二月胡定瑞等

兵度杉關略光澤縣下之邵武建陽亦降時湯和廖永忠等克方國珍帝命之自海道徑取福州和等自明州乘風進舟不數日至城下一鼓克之守將曲出遁參政尹克仁宣政使朶耳麻不屈死僉院柏帖木耳殺妻女縱火自焚死

○戊申洪武元年正月群臣勸進奉帝即皇帝位定有天下之號曰明建元洪武追尊四代祖考妣皆為帝后置翰林院設起居注二員以記言動

谷霖蒼曰明太祖起兵濠州神運蓋亦有人事焉方其火光燭空紅羅洋水雷兩成
聖如臨卜吉論者嘖嘖莫不謂天之所授也然予德
引仁實則命世之器非大群雄草竊所能開奸而觀
尤有異者風雲之聚杖策來歸心膂爪牙篤生江介徐達

湯和起於同里朱文正李文忠與自戚屬李善長馮國用
近出定遠鄧愈胡大海即在虹縣常遇春懷遠之雄廖永
安巢湖之際一時以臣人如恭布地皆錯壤豈高祖從龍
多由豐沛蕭王佐命十屬向陽天生真人固若類聚而快
掖之者耶然而惟惟善謀汗馬著烈君
臣之間相需魚水豈盡地脈使然哉 ○立妃馬氏為皇

馬后高識

后帝初渡江時后嘗謂帝曰今豪傑並爭雖未知天命所
歸以妾觀之惟以不殺人為本人心所歸即天命所在帝
深然之至是冊立為皇后帝因謂侍臣曰昔光武勞馮異
曰倉卒無萋亭豆粥滹沱河麥飯厚意久不報朕念皇后
起布衣常倉卒自忍飢餓懷糗餌食朕比之豆粥麥飯其
困尤甚昔長孫皇后當隱太子構隙之際內能盡孝謹承
諸妃消釋嫌疑朕素為郭氏所疑徑情不恤將士或以服

良妻猶取

用為獻后輒先獻郭氏慰悅其意及欲危朕后乃為寬解
卒免於患尤難於長孫皇后也朕或因服御詰怒小過輒
勸朕曰王忘昔日之貧賤邪朕為惕然家之良妻猶國之
良相豈忍忘之罷朝因以語后后曰妾聞夫婦相保易君
臣相保難妾安敢比長孫皇后但願陛下以堯舜為法耳

君臣相保

臣相保難妾安敢比長孫皇后但願陛下以堯舜為法耳
燕華音無開游沈音呼駝糗餌糗音丘上聲乾飯也餅音
耳稻米也長孫皇后唐太宗后后性仁孝儉素好讀書甚
有內助嘗著女則三十卷隱太子
太宗兄建成郭氏郭子興家族也 ○立世子標為皇太子
今臺省等官兼東宮官贊輔之左丞相李善長御史中丞

廷臣兼東
宮官

章溢太史令劉基等兼太子官屬 ○二月定郊社宗廟禮
○定兵制自京師及郡縣皆立衛所太率以五千六百人

定衛所

為一衛一千一百二十人為一所一百一十二人為百戶
所每百戶所設總旗二名小旗十名官領鈐策通以指揮
使等官領之有事征伐則詔總兵官佩將印領之既還則
上所佩將印於朝官軍各回本衛大將軍身還第權皆出
於朝廷鈐束鈐音掛車轄也鈐束猶管轄○湯和廖永忠等既下莆田等
十三縣進攻延平先遣使招諭元福州平章陳有定不從
遂進兵薄城有定乃訣諸將曰公等善為計吾為元死耳
仰藥飲盡參政文珠海牙開門出降大兵入城有定復蘇
械送京師入見帝詰之有定厲聲曰毋多談安得加我死
乎遂併其子棄市胡廷瑞等進兵克興化元汀州路守將

皇明臣死有定
得蘇以賜相死子
復謝其所以死

關平

衣冠如唐

制

定役法

陳國珍納款於是泉漳潮郡縣相繼降附福建悉平○以
大宰祀孔子仍遣使詣曲阜致祭○詔衣冠悉如唐制○
命中書議役法省臣奏議田一頃出丁夫一人不及頃者
以別田足之名曰均工夫遇有興作農隙用之一頃百畝
為頃丁夫
民年二十已上成丁蓋人壽以百歲為期
一幹十年則當四十強壯之時故曰丁○帝出視園立
太子從行命遍閱農家曰農終歲勤苦服食不過如此故
令爾知之無過取也○帝曰克敵在兵制兵在將故有精
兵不如良將劉基曰任將在上將之勝又不若主之勝○
浙州進竹簞帝曰是為用物未有命而來獻若受之恐天
下聞風皆爭進奇巧傷民財自是始矣乃却之○二月以

皇明臣死有定
得蘇以賜相死子
復謝其所以死

十四

廖永忠為征南將軍朱亮祖副之由海道取兩廣又勅贛州衛指揮使陸仲亨由韶州擣德慶平章楊璟進兵永州三方進師為犄角之勢○三月廖永忠等率舟師航海直至廣州元左丞何真降潮州郡縣歸附○四月陸仲亨略定英德清遠連州肇慶等郡縣進攻德慶守將張鵬程棄城走廣東悉平○六月楊璟由永州進兵克靖江路廖永忠亦進次南寧元土浪屯田千戶宋真執其守將平章咬住等請降永忠悉收諸司印章廣西悉平○徐達等既克永城歸德許州取汴梁率諸將進至河南分兵取諸山寨皆下之遂拔潼關南陽諸郡相繼歸附○閏七月徐達等

廣東平

廣西平

渡河取衛輝至彰德遂下磁州取趙州進克臨清獲元將李寶臣都事張處仁以為向導檄諸將大會於臨清率馬步舟師北發先取德州克長蘆守將左僉院遁分兵徇下青州至直沽獲其海舟七艘造浮橋以濟師常遇春等率舟師並河東西以進元丞相也速等捍禦海口望風奔潰元都大震師至通州元將五十八國公率敢死士萬餘出戰指揮郭英設伏兵大敗之擒其將卜顏帖木兒遂克通州元主聞報大懼召群臣會議元主徘徊嘆息曰今日豈可復作徽欽遂決計北徙左丞相失烈門知樞密院事黑厠等皆勸固守京城不聽命淮王帖木兒不花監國慶童

克元都

為左丞相同留守夜半與后妃太子開建德門由居庸北走如上都臨清今山東東昌府臨清州通州屬直隸順天府○八月徐達常遇春克元都達等進師至元都

攻齊化門將士填濠登城而入執其監國淮王及丞相慶童平章迭兒左丞丁敬等戮之獲玉印二玉璽一封其府

徐達仁將

庫圖籍寶物及故宮殿以兵守之宮人妃主令其官寺護持號令士卒毋得侵暴人民安堵市肆不移圖籍所圖書也肆古今注所以陳貨鬻之物也○命大將軍徐達副將

王禕上書

軍常遇春往取山西○漳州通判王禕上書言人君脩德之要有二忠厚以為心寬大以為政昔者周家忠厚故垂

八百年之基漢室寬大故開四百年之業蓋上天以生物

為心春夏長養秋冬收藏其間雷電霜雪有時而薄擊肅

殺焉然皆暫而不常向使雷電霜雪無時不有上天生物

之心息矣臣願陛下之法天道也上嘉納之時尚嚴厲故

禕以為言○帝詰汴梁欲定都于此不果遂下詔以汴梁

為北京開封府金陵為南京應天府汴梁宋故都也○命學士詹

同等十人分道訪求賢哲○徐達遣孫興祖俞通源等帥

師進克永平府常遇春傅友德等略保定中山河間真定

俱下之○御史中丞劉基致仕先是上北巡命基同李善

長留守京師中書都事李彬犯法事覺彬素附善長善長

劉基致仕

請基緩其獄。基不聽。馳奏上。竟殺彬。善長銜之上。還善長。愬之。會基有喪。告歸許之。○十月。詔改元燕京。為北平府。置燕山等八衛。以都督孫興祖華雲龍守之。○詔乘輿毋飾金玉。有司曰。此小費。帝曰。小費不節。大用將至。○進元主所製刻漏。帝曰。廢萬幾之務。用心於此。所謂作無益害有益也。命碎之。○召劉基至京師。贈基祖父公爵。欲授基爵。辭曰。陛下乃天授。臣何貪天之功。顯榮先人足矣。○十一月。詔禁胡俗。悉復中國衣冠之舊。○建太本堂。命取古今圖籍充其中。○以孔希學襲封衍聖公。孔希大為曲阜知縣。皆世襲。立孔顏孟三氏教授。司尼山洙泗二書院。命

禁胡俗
建太本堂
孔希學襲封

博士孔克仁等授諸子經。功臣子弟亦令入學。○十二月。元擴廓帖木兒守太原。元主命之率兵出雁門關。由保安州經居庸關以攻北平。徐達聞之。率諸軍直抵太原。擣其虛。擴廓既至。保安州聞之。還軍營于城西。其部將豁鼻馬潛降。為內應。達乘夜劫其營。擴廓倉卒不知所出。亟納靴。未竟。跌一足出。乘驛馬遁去。遂克太原。太原今山西太原府倉卒急遽免靴履也。驛音棧。馬不施鞍轡為驛。○馬翊曰。元有天下。寬以失之。帝曰。步急則蹶。弦急則絕。民急則亂。居上之道。政當用寬。元季君臣縱也。非寬也。○已酉。二年。正月。高麗王王顓遣使奉表朝貢。○詔免山東山西北平河南等處田租。○副將軍常遇

高麗王朝
貢

明紀洪武七年高麗李仁任就其至願其子福子五年李成桂因禍在漢子昌又廢其初並廢遂遷徙而自立國年曰朝鮮

修元史

春帥師取太同今山西太同府○二月詔修元史令左丞相李善

長起居注宋濂漳州府通判王禕總裁徵山林遺逸之士

帝親耕藉田

汪克寬等十六人同纂修○帝親耕藉田於南郊既又命

皇后蠶於北郊以為祭祀衣服古者天子耕藉田千畝以給宗廟案盛藉踏藉也言

親自踏履於田而耕之天子三推三公五推卿大夫九推庶人受以終畝○大將軍徐達師次

河中府副將軍常遇春渡河至陝西○三月勅曰古人為

文以明道德通世務典謨之言明白易知至如諸葛孔明

出師表亦何嘗彫刻為文而誠意溢出至今誦之使人忠

義感激近世文士立辭雖艱深而意實淺近即使過於相

勅為文無事浮藻

如楊雄何裨實用自今翰林為文無事浮藻彫刻彫畫文也刻鏤也楊

子曰帝曰朕嘗象刻壯大不為也

○大將軍徐達克河中府進至西安營

於長安城北元平章王武率官屬出降達遂遣馮宗異取

鳳翔元將李思齊奔臨洮長安城今陝西西安府依安縣臨洮今陝西臨洮府○四

月獻瑞麥一莖有五穗群臣賀帝曰朕為生民主惟思修

不以物為瑞

德致和使三光平寒暑時為國家之瑞不以物為瑞也○

大將軍徐達至蕭關下平涼指揮朱明克延安以明守之

蕭關在陝西平涼府鎮原縣○六月元也速復侵通州上命常遇春自

鳳翔還禦之復命李文忠為偏將軍副遇春自北平道三

河往永平經鹿兒嶺敗元將江文清於錦州也速復以兵

迎戰又敗之也速遁遂帥兵進攻開平元主先已北走追

聖學之區考元聖聖教善操
士年推錄備陳才曹既地雖不
習書史用兵無不古合皆自
習十方即橫行天下軍中操帶十
萬

續通志卷之二十一

薊北平 奔數百里俘其宗王慶生等斬之鳳翔陝西鳳翔府薊北悉平今

常遇春 盛京錦州府開平即元上都也○七月副將軍常遇春得病卒于軍帝痛悼不已曰平定之功遇春十居八九配享太廟封其二子

為公以長女為皇太子妃配享配對也亨祭也尚書盤庚之告其臣曰茲予大亨於先王

配享祖其從與享之則功臣配享之禮由商人始也○八月大將軍徐達克慶陽大

軍列營慶陽城下守將張良臣數出戰俱不利糧餉之絕

至煮人汁和泥噉之其平章姚暉納降達勒兵入城良臣

陝西平

投井中引出斬之陝西悉平達帥諸軍還京師○詔李文

忠代常遇春領其眾應援慶陽文忠至太原會慶陽已平

而元將脫列伯孔興等攻大同甚急乃由代出雁門關九

建功臣廟

月次馬邑元兵奄至文忠與戰敗之擒其平章劉帖木兒進抵大同脫列伯悉銳來攻文忠奮擊大敗之擒脫列伯

降其眾萬餘進兵逐孔興大同今中○建功臣廟於雞鳴

山廟成叙功以徐達為首次常遇春李文忠鄧愈湯和沐

英胡大海馮國用趙德勝耿再成華高下德興愈通海張

德勝吳良吳禎曹良臣康茂才吳腹茅成孫興祖凡二十

一人死者肖像祀之雞鳴山在江寧府治東北○九月詔以濠州為中

都宮殿郊廟社稷文武公署一如京師○十月詔天下郡

縣皆立學○帝御朝召宋濂等列坐賜酒帝賦詩因命各

以詩進○帝諭刑部尚書周禎曰刑以輔治唐虞不免舜

讀廿八史

廿九

命臯陶始曰明刑終期無刑臯陶告舜亦曰與殺不辜寧
失不經卿當體之○遣平章楊璟招諭夏主明昇先是徐
達等平關陝蜀人震恐其臣戴壽曰大明天子遣將用兵
所向無敵以擴廓李思齊強盛竟莫能禦况吾蜀乎倘一
且有警計將安出吳友仁曰蜀地非中原比設有緩急據
險可守為今之計莫若外假交好以緩敵內修武事以自
強昇從其言遣使修貢帝賜璽書答之至是遣楊璟諭奉
國入覲昇尚幼牽于群議不決璟將還復以書曉之極言
大小順逆利害之勢昇不能從○十二月元王保保圍蘭
州指揮于光來援為元兵所獲逼之誘降光至城下大呼

系一公言

謫危素

曰公等堅守大軍即至敵怒殺之守將張溫守益堅保保
進攻不利且懼大軍至乃引兵去王保保即擴廓帖木兒也○庚戌三
年正月帝命徐達等往征沙漠沙漠北方流沙曰漠蒙古別名○二月帝
行後苑見巢鵲翼哺曰禽鳥且爾耶令群臣親老者許歸
養○四月以危素為翰林學士尋謫居和州素居弘文館
一日帝御東閣聞履聲橐囊上問為誰對曰老臣危素上
曰是爾邪朕將謂文天祥耳素惶懼頓首上曰素元朝老
臣何不赴和州看守余闕廟去遂有此謫元都陷時元臣死者多學士危素寓僧寺亦將死寺僧止之曰公死國史也遂往見徐達達以素歸帝雅聞素名仍命為學士余闕廟余闕元臣死節者帝嘉其忠立廟和州○徐達出安定駐沈兒峪口與王保保隔

讀十八公言

徐達大敗
王保保

深溝而壘，達整眾出戰，大敗保保於川北亂塚間。擒元諸

王國公及平章等官一千八百余人。將校士卒八萬四千

五百餘人，獲馬萬五千二百餘匹。雜畜稱之，保保與其妻

子數人，從古城北遁去，奔和林。縣音育畜音休去聲和

林國名，有唐回鶻毗伽可汗故城，蒙古以為會同之所，後復城之，周圍五里許。五月，李文忠帥

師趨應昌，未至百餘里，獲元騎，問之，知四月二十八日元

主已殂，文忠往攻其城，獲元主孫買的里八剌並后妃宮

人諸王，宋代玉璽金寶，宣和殿玉圖書，玉冊，鎮國玉帶，玉

斧及駝馬牛羊無算。惟太子愛猷識理達臘與數十騎遁去，文忠帥精騎追之，至北慶州，不及而還。捷聞，百官稱賀。

李文忠獲
元主孫

蓋元主曰
順帝
定科舉法
冊封諸王

帝命禮部榜示，又以庚申元主不戰而奔，克知順天命，謚

曰順帝。○詔設科取士，定科舉法。○詔定服色尚赤。○冊

封諸子為王，皆授以冊寶，置相傳官屬。○六月，李文忠遣

人送元買的里八剌等至京師，省臣楊憲請以買的里八

剌獻俘於太廟。帝曰：古者雖有獻俘之禮，武王伐殷，曾用

之乎？憲對曰：武王事殆不可知。唐太宗嘗行之，帝曰：太宗

是待王世充若遇隋之子孫，恐不行此禮。元雖夷狄，入主

中國者百年，朕之祖先亦嘗享其太平，雖古有獻俘之禮，

不忍加之，乃賜買的里八剌第宅，封為崇禮侯。王世充隋末以王世

充為太尉，世充尋自稱帝，統隋主，伺後降。唐太宗太宗至長安，俘世充，獻於太廟。○十一月，封功

封功臣為
公侯伯

臣公侯伯者三十六人徐達居首賜宴曰願卿等毋忘艱
難時也因設壇祭已死功臣且錄其後○帝與儒臣議修
玉牒欲祖朱文公一日見有典史朱姓而徽人問其為文
公後耶其人對曰非也帝頓悟曰彼一小吏尚不妄祖他
人况我乎遂却衆議玉牒牒譜也譜舊唐書經籍志譜系以紀世族繼序帝曾之譜名為玉牒
朱文公姓朱名熹字元晦徽州人賜諡曰文○辛亥四年正月大舉伐夏先是
帝遣使招諭夏主明昇昇惑于群議不能從反以兵侵興
元於是命湯和廖永忠等率舟師由瞿塘趨重慶傅友德
等率步騎由秦隴趨成都興元今陝西漢中府重慶今四川重慶府○三月遣
使祭歷代帝王陵寢三十五○四月帝以湯和傅友德等

祀帝三十三
十五

宴享九奏
樂章

伐蜀三月未得捷報命朱亮祖帥師助之○六月詹同陶
凱作宴享九奏樂章○廖永忠至瞿塘關蜀人設鉄索飛
橋橫阻關口舟不得進乃募募壯士舁小舟踰山度關以
出其上流蜀人不之覺也又分精銳水陸並進永忠先破
其陸寨既而將士舁舟出江者俱發上流揚旗鼓譟而過
蜀人出不意大駭而下流之師亦擁舟急擊大破之遂焚
其三橋斷其橫江鉄索擒斬甚多永忠入夔州明日湯和
兵亦至乃分道並進於江州縣望風奔附乘勝抵重慶明
昇君臣大懼奔成都其母彭氏泣曰事勢如此縱往成都
不過延命旦夕何益不如早降以免生靈於鋒鏑明昇遂

讀史通鑑卷之三

三十三

廖永忠高識

蜀地平

遣使詣永忠軍。全城納款。永忠以湯和軍未至，辭不受。後數日，湯和至重慶。會永忠以兵駐朝天門外。是日，明昇面縛銜璧奉表詣軍門降。和受璧。永忠解縛，遣指揮萬德送明昇於京師。朱亮祖兵亦至。傅友德等既畧歸州、階州、文州、漢州，遂圍成都。克之。蜀地悉平。封明昇為歸義侯。已而投昇於高麗。面縛銜璧，縛手於後，惟見其面，以璧為贖手。縛故銜之。左傳：僖公六年，許男面縛銜璧。

○帝與陳寧論刑。寧曰：法重則民不輕犯。帝曰：不然。聞古以祥刑致治矣。未聞以商韓之法致堯舜之治也。寧大慚。祥刑，尚書呂刑，告爾祥刑。注：夫刑凶器也，而謂之祥者，刑期無刑，民協于中，其祥莫大焉。商韓，商鞅韓非子也。皆戰國時人也。以刑名法術御下者也。

○八月，暹羅國、渤泥國、三佛齊國各遣

三事未了

錢唐祖胸

使臣來朝貢。○壬子五年正月，帝謂諸將曰：今天下一家，尚有三事未了。一、歷代傳國璽在元未獲，二、王保保未擒，三、元太子不聞音問。於是命徐達、馮勝、李文忠等三路出師，共兵四十萬，以征沙漠。後達等兵至沙漠，以糧運不繼而還。○帝讀孟子至草芥寇讎章，大不然之。欲去其配享詔，有諫者以不敬論。且命金吾射之。刑部尚書錢唐與擢入諫。祖胸受箭曰：臣得為孟軻死，死有餘榮。帝見其誠懇，命太醫療其箭瘡。孟子配享得不廢。草芥寇讎，孟子曰：君見臣如草芥，臣見君如寇讎。與擢，與負也。擢，棺也。

癸丑六年正月，徵孔克表為翰林修撰。克表，家浙江溫州府平陽縣。元至正中，進士，博學篤行。孔子五十五代孫也。○帝問正字桂原良曰：法數行而數

江南大儒
惟卿一人

昭鑒祖訓
錄

更定大明
律

犯奈如對曰用德則逸用法則勞法以靖民則民勞而弗
 靖德以靖民則民靖於德矣帝曰卿帝者師也江南大儒
 惟卿一人對曰臣不敢當宋濂劉基帝曰濂文人基峻隘
 不如卿也○四月命採漢唐藩王善惡為書名昭鑒祖訓
 錄頒賜諸王○以胡惟庸為右丞相帝嘗與劉基論可為
 相者及胡惟庸基曰此小犢耳將債轅而破犁至是遂相
 基大感曰使吾言不驗蒼生之福也言而驗者其如蒼生
 何將債轅而破犁債僵也轅車前曲木○奪誠意伯劉基
 祿胡惟庸與基隙誣相有正氣地欲圖為○十月更定大
 明律命刑部尚書劉惟謙○十一月故元雲南梁王把匝

元梁王叔
使臣王禕

遣買的里
八刺北還

劉基卒

刺瓦爾密殺使臣翰林侍制王禕行參政吳雲初帝以天
 下一統惟雲南為故元梁王所據恃遠弗臣於是遣王禕
 等持詔往招諭之禕至雲南諭以帝之威德天命所歸梁
 王君臣駭服已有降意會元太子自立於沙漠遣使謀連
 兵拒中原禕謂梁王曰汝朝殺我大兵夕至矣竟與吳雲
 俱被害○甲寅七年十月遣崇禮候買的里八刺北還臨
 行帝諭之曰朕不忍令爾久客於此故特遣還見爾父母
 以全骨肉之愛○十一月訪窮民無告及戰死軍士家屬
 給以衣食廬舍○乙卯八年四月誠意伯劉基卒時胡惟
 庸蓄姦謀深惡基乃遣醫視疾基飲其藥二劑有物積

腹中如卷石疾遂篤帝遣使送還家僅一月而卒基輔帝
平定中原籌畫為最每忠直敢言帝嘗以子房况之賜誥

云學為帝師才本王佐渡江業士無雙開國文臣第一

卷區中庸今夫山一卷石之多况之况譬也故元王保保卒保保自定西之

敗走和林元嗣主復任以政後徙金山之北至是卒

十月甘露降於園立青松上有若明珠採嘗之甘於蚶群

臣咸頌德帝曰天道幽微難測若恃祥不戒祥不必吉

丙辰九年諸將連年戰沙漠斬獲招降甚多益嚴邊防元

伯顏帖木兒請和帝命諸將悉還獨留穎州候傳友德屯

兵以備之四月伯顏帖木兒又犯邊友德設伏大破之

甘露降

醉學士歌

葉居昇應
詔上言

明也說天祖曰法
源問之臣職否第
言者惟同官者勿
誰言其善者與臣
交臣知其善者
雖有臣不知也亦
所與

六月學士承旨宋濂侍宴帝強之三觴濂面赭行不成步

帝為賦醉學士歌以誌君臣同樂之雅

八月親王造宮過麗帝戒曰不見茅茨卑宮竟禹以興阿房西苑秦隋以

亡乎

閏九月五星素度下詔求言山西平遙訓導葉居

昇上言其略曰太過者有三分封太侈也用刑太繁也求

治太速也秦晉燕齊盡其地封諸王恐亦致尾大不掉尚

德緩刑而得民專事刑罰而失民國祚長短悉由於此怒

簿書錢穀而問俗失世壞則求治之道得矣書奏帝大怒

逮問繫死獄中後無敢言者

丁巳十年二月學士承旨宋濂致仕

濮真抽刀剖心

勇欲降之不從王怒欲殺之真曰大丈夫有赤心肯汝屈邪即抽刀剖心示之而死王大懼遣使入朝謝罪帝嘉真忠節追封樂浪公其子瑜在襁褓即封為西梁公○己未十二年十二月謫左丞相汪廣洋於海南御史中丞涂節言劉基為胡惟庸毒死廣洋宜知狀帝問廣洋廣洋對無是事上頗聞其實因責廣洋欺罔謫居海南行次太平帝復遣使責之廣洋自經死○庚申十三年正月左丞相胡惟庸謀逆伏誅惟庸誑言所居第井中湧醴泉邀上往觀因弑駕出西華門內使雲奇知其謀走衛驛道勒馬言狀甲言舌歎不能達意上怒其不敬左右搯捽亂下奇右臂幾折

逆胡惟庸謀

宋濂卒
免天下今年田租

尚指惟庸第弗為痛縮上悟登城眺察見惟庸第內兵甲伏屏帷間即發兵掩捕拷掠具狀磔惟庸於市御史大夫陳寧都督李玉等皆伏誅上召雲奇死矣深悼之追封右少監命有司春秋致祭惟庸辭連李善長群臣請罪之上曰此吾初起時股肱心腹吾不忍罪之其勿問宋濂孫慎坐黨逆被刑籍其家械濂至京上欲併誅之皇后諫曰民間請一先生尚有始終不忘待師之禮宋濂親教太子諸王豈宜若是愆况濂致仕在家當不知情帝意解濂得發茂州安置行至夔州以疾卒○詔罷丞相官陞六部官秩如古六卿之制○詔免天下今年田租○辛酉十四年二

月編賦役黃冊

以一百一十戶為里推丁糧多者十人為里長餘百戶分隸十甲歲役里長一人管攝一里之事城中曰坊長近城曰廂長鄉都曰里長十年一編每里編為一冊冊首為一圖鄉寡孤獨不應役者則帶管於一百一十戶之外而列於圖後名曰畸零冊成一本進戶部其布政司及府州縣各存一本十年攢造一次

○七月舉孝弟力田賢良方正文學之士○九月命傅友德為征南將軍藍玉沐英為副將軍帥師征雲南元梁王把匝刺瓦爾密遣司徒達里麻將精兵十餘萬屯曲靖以拒明師沐英謂友德曰彼謂我師疲於深入未有虞心若倍道疾趨出其不意破之必矣友德是之遂進師未至曲靖數里忽大霧四塞衝霧而行阻水則已臨白石江在曲靖城北矣頃之霧霽達里麻望見大驚倉皇失錯友德即欲濟

師英曰我軍遠來形勢既露固利速戰然亟濟恐為所扼乃整師臨流執若欲渡達里麻悉精銳扼水英別遣數千人從下流潛渡出其後鳴金鼓樹旗幟達里麻急撤眾禦之陣動英乃拔劍督師濟江以猛而善泅者先之長刀蒙盾破其前軍敵氣素退數里而陣明師畢濟友德麾兵進薄之英縱鐵騎擣其中堅敵遂大敗生擒達里麻橫屍十餘里軍聲大振遂平曲靖友德分遣藍玉沐英趨雲南梁王聞達里麻敗棄城走挈妻子入雲南忽納帶驅妻子俱赴滇池死元右丞觀音保出降諸父老焚香出迎玉等整眾入城秋毫無犯雲南悉平藍玉傅友德班師沐英留鎮

孔子豈可
以職位論

馬后崩

○壬戌十五年四月廉州府巡檢王德亨上言取西戎水銀阮點廣平府吏王允道上言磁州多產鐵請如元時置鐵冶都提舉司設冶戶萬五千收之帝曰聞治世無遺賢不聞無遺利也命流允道海外○國學成帝將釋菜議者曰孔子雖聖人臣也禮宜一奠再拜帝曰聖如孔子豈可釋菜孔子也以職位論哉昔周太祖如孔子廟將拜左右曰陪臣不可拜周太祖曰百世帝王之師敢不拜乎遂再拜朕深嘉其不惑於左右之言今朕宜特加尊崇○八月皇后馬氏崩后性恭儉既貴服漸濯之夜帝以威武治天下后嘗濟之以寬仁生太子及秦王晋主燕主周主至是病不肯服藥

選僧分侍
諸王

奉白帽子
與大王戴

上強之后不可曰死生有命雖扁鵲何益如服藥不瘳陛下寧不以妾故而殺醫乎妾不忍也遂崩年五十一上痛悼終身不復立后扁鵲春秋時良醫也姓秦名越人與黃帝時扁鵲相類故仍号扁鵲又家於盧盧醫○九月詔選高僧分侍諸王有僧道衍者姓姚名廣孝蘇州人好讀書工詩文遇異人傳術能預知人休咎及善術數道衍自請於燕王曰指燕王殿下若能用臣臣當奉白帽子與大王戴至是燕王自求道衍於帝許之白帽子白字上蓋謂皇字也○徵耆儒鮑恂等四人至並命為學士輔太子固辭尋放還○癸亥十六年十月刑部尚書開濟以罪誅先是濟議法巧密上曰竭澤而漁害及鯢鮪焚林而田禍

及麝泥大敲巧密之法百姓何堪非朕所望也濟強敏深文嘗
驚獄借死囚脫代獄吏發之極獄吏死至是下濟獄而死

鯢鮪音昆而魚子也鱗 鵠音廢冠鹿子鳥雛 〇詔免應天太平鎮江寧國廣德

五郡稅曰五郡為興王之地其民助朕居多〇乙丑十八

徐達卒 年二月太傅魏國公徐達卒年五十四帝痛悼不已親為

文祭之追封中山王蓋武寧長子輝祖襲封魏國公〇帝

書洪範于座右朝夕省覽或曰善惡報多爽帝曰為惡或

免禍然理無可為之惡為善未必福然理無不可為之善

政 行養老之 〇丙寅十九年六月詔天下行養老之政凡耆民八十以

上賜米酒帛絮各有差〇戊辰二十一年三月雲南平緬

戰象

蠻叛舉眾三十萬戰象百餘寇定遠西平候沐英自將精

銳二萬往討之賊悉眾驅百象來戰象皆披甲背負戰樓

若欄楯懸竹筒于兩旁置短槊其中以備擊刺陳既交英

連發火箭銃砲聲震山谷象皆驚奔賊有背刺者亦驍勇

殊死戰英督戰益急三軍大呼而鏖不移時賊眾大敗斬

首三萬餘級生獲四十七象餘皆被矢如蠟死渠帥刀斯

平緬歲貢

郎理斃象背上自是諸蠻讙服平緬歲入貢賦不復反矣

欄楯王逸曰縱曰欄橫曰楯今階除木句欄是也殊死殊

絕也謂決意必死也紉秦法斬敵一首拜爵一級故因謂

首為級謀大也 〇四月征虜大將軍藍玉副將軍郭英等

元裔日微

解縉上封事

萬餘人。元主脫古思帖木兒帥數十騎遁去。玉追之不及。獲其王子及後宮后妃衆四萬餘人。乃旋師。元主遂為部下所弑。其部屬皆奔散。元裔日微、玉等還京獻俘。帝大喜。進封藍玉涼國公。○吉水人解縉七歲能文。遂以弱冠登第。帝親選為庶吉士。特被寵眷。因上封事。凡萬餘言。其略曰：陛下進人不擇賢否。授職不量輕重。誠信有間。用刑太繁。每多自悔之時。有無及之歎。律以人倫為重。乃有給配夫婦之條。恐傷節義之禮。太常非俗樂。可肆官妓。非人道所為。可以禁絕。釋老之壯者。宜出之。使復人倫。經咒之妄者。悉火之。以杜俗惑。陛下天資清高。而學問不充。善端間

賜李善長死

求仙人張三丰

發。而心學無素。上嘉其識。擢為監察御史。時都御史袁泰恣橫。無敢言之者。縉歷詆其奸狀。帝慮為衆所傾。遣歸諭。曰：後十年來朝。大用爾。未晚也。○庚午二十三年四月。賜韓國公李善長死。先是善長坐他累削祿。既又有以胡惟庸黨言者。帝亦未之究也。至之會。有星變。其占為大臣當災。時帝大殺京民之怨逆者。善長請免其親戚數人。上大怒。遂賜死。○詔求仙人張三丰。不得。得其徒丘玄清。拜太常卿。三丰不知何處人。洪武初入武當山修煉。寒暑一衲。人有問仙術。竟不答。問經書。則津津不絕。口一啖數斗。辟穀數月。自若也。隆冬臥雪中如常。

武當山在湖廣襄陽府均州。衲音納。補衲。

勝也

聖學云孝孺少好學十三年
以長沈厚見帝帝甚其孝端
整調太子曰此莊子當在若
以明禮道運至此又以孝
召至帝曰今用若孺時除
漢中教授若孺固其
胸為世子即其
之虞曰正學

衣也音淡
音壁除也

方正學

藍玉謀逆

○壬申二十五年四月皇太子薨諡曰懿文
漢中府教授蜀獻王聞孝孺賢命世子受學名其讀書之
廬曰正學○癸酉二十六年正月涼國公藍玉謀逆伏誅
玉以常遇春妻弟從征累功至大將軍素不學性復狼懷
恃功暴橫初胡惟庸之畔有稱玉與謀者帝以其功大有
不問至是意望進爵帝命加太傅玉攘衣曰我不當為太
師耶及奏事帝不從玉懼退曰上疑我矣遂謀反密召其
部曲謀議集士卒及家奴伏甲將為變約束已定為錦衣
衛指揮蔣瓛所告捕訊伏誅列候已下連坐論死者二萬

人狼懷晉書王敦狼抗注如豺狼抗打懷戾也
攘袂攘袂曰攘揜袂出臂曰攘揜引也
○八月詔

褒浦江鄭氏鄭氏十世同居長幼至千餘人數以事入觀
帝識之後被人妄訐其家與權臣通財時嚴通財黨與之
誅犯者不問實與不實必死其宗長鄭濂與從弟湜兩人
爭先就吏上憐之曰我知鄭門無是事人誣之耳擢湜福
建布政司參政帝問濂治家所以長久之道對曰守家法
不聽婦人言而已帝深嘉之遂下詔褒異之識音至湜音值
○甲戌二十七年九月青州日照民江伯兒以母病割脇肉食
之不愈禱於岱岳祠誓云母病愈則殺子以祀既而母病
愈竟殺其三歲子祭之有司以聞上怒曰父子天倫至重

不聽婦人言
江伯兒愚
孝

續一八史

賜傳友德死

賜馮勝死

皇明祖訓

今賊殺其子絕滅倫理亟捕治之勿使傷壞風化遂逮伯

兒杖一百謫戍海南岳秦山○賜穎國公傅友德死友德

身冒百死自偏裨至大將每戰必先士卒以故所至立功

二十五年友德請懷遠田千畝帝不悅曰祿賜不薄矣復

侵民利何居爾不聞公儀休事耶及是竟賜死未幾定遠

候王弼亦賜死公儀休史記公儀休相魯使食祿者不得與民爭利○乙亥二十八

年二月賜宋國公馮勝死勝數以細故失帝意遂賜死○

六月詔禁黥刺跣割之刑刺音戚刺面也跣音廢刑足也割音異截鼻也閹割

也宮○九月皇明祖訓成帝自為之序曰朕觀自古國家

建法立制皆在始受命之君蓋其創業之初備嘗艱苦閱

人既多歷事亦熟比之生長深宮之主未諳世故及僻處

山林之士自矜已長者甚相遠矣朕與群雄並驅慮患防

微近二十載乃能統一海宇人之情偽亦頗知之故以所

見所行開導後又著祖訓一篇立為家法首尾六年凡七

騰稿至今方定豈非難哉蓋俗儒多是古非今奸吏常舞

文弄法凡我子孫欽承朕命毋作聰明亂我已成之法○

丙子二十九年二月燕王棣帥師巡邊敗元兵於徹徹兒

山又追敗之於元良哈禿城而還○戊寅三十一年閏五

月帝崩在位三十一年改元者一曰洪武壽七十一帝神

武明達料敵如神不吝官賞諸將奉命立功十五年之間

遂能成帝業。禮樂制度，事物防範，靡不備具矣。皇太孫即位，是為建文皇帝。

建文皇帝名允，炆懿文太子之子。太祖孫也。初，懿文太子薨，立為皇太

孫，至是即位。初，太祖建都金陵，去邊塞六七千里。北虜時出沒

塞下，捕殺吏卒，以故命北邊諸王得專制國中，提兵防禦。

地大權重，多不法。帝為皇太孫，問所以制之于黃子澄。子

澄對以漢平七國事，頗合帝意。兵部尚書齊泰、議論雅同

子澄，至是帝命二人與參國事，任以削奪事。○七月，呂方

以方孝孺為侍講

孝孺為翰林院侍講。○建周王橚至京師，廢為庶人。戶部

侍郎卓敬密奏，裁抑宗藩，不報。既而燕、周、齊、湘代、岷諸王

頗相煽動，有流言聞於朝。帝患之，齊泰謂黃子澄曰：「燕握

重兵，且素有大志，當先削之。」子澄曰：「不然，燕預備久，卒難

圖，宜先取周，剪燕手足，乃命李景隆率兵至河南，執周王

送京，削爵為庶人，遷之雲南。燕王見周王被執，且齊泰、黃

子澄用事，遂簡壯士為護衛，異人術士多就之。○十月，發

惑守心。四川岳池教諭程濟通術數，上書言：「北方兵起，期

在明年，朝議以濟妄言，召入將殺之。濟曰：「陛下幸囚臣，至

期無兵殺臣，未晚也。」乃囚濟於獄。發惑守心，發惑南方，火星也，出則有悖亂殘賊

疾喪，饑兵居，其宿曰守為明。○已卯，建文元年二月，立子

文奎為皇太子。○燕王來朝，入覲行皇道，入登陛，不拜，監

程濟先見

曾鳳韶劾燕王不敬

燕王舉兵

察御史曾鳳韶劾王不敬。帝曰：至親勿問。○四月，遣使執湘王柏。王曰：身，高皇帝子，南面為王，豈能辱僕隸乎？求生活乎？遂闔宮自焚死。又詔齊王榑至京，廢為庶人。拘繫之。幽代王桂於大同，廢為庶人。○七月，燕王舉兵。反。先是，帝遣侍郎暴昭等充採訪使，分巡天下。昭至北平，得燕不法狀，密以聞。已而燕山護衛百戶倪諒告變。下詔讓燕王逮燕邸僚屬都指揮使謝貴、北平布政使張昺等，部署軍士布列九門守之。燕王密與僧道衍計，令張玉、朱能潛納勇士八百人守衛，給貴島入執殺之。張玉等率勇士奪九門。燕府長史葛誠、護衛指揮盧振皆與昺、貴謀誅燕王。至是

母使朕有殺叔父名

並遇害。夷其族。燕王乃舉兵以誅齊、泰、黃子澄、清、君側。效周公輔成王故事，為名兵。稱靖難。去建文年號，仍稱洪武三十二年。自署官屬。令張玉、朱能等出師，尋陷薊州，奪居庸關。通州遵化、永平、密雲等諸守將皆以城降。詔削燕王屬籍。以長興侯耿炳文為大將軍討之。師號百萬。數道並進。期直搗北平。帝誠諸將士曰：昔蕭繹舉兵入京，而令其下曰：六門之內，自極兵威，不祥之極。今爾將士與燕王對壘，務體此意。母使朕有殺叔父名。
蕭繹，南北朝梁武帝弟。七子初封湘東王。都江陵。侯景弒簡文帝，綱立豫章王棟。棟歡之子。歡武帝太子統之子也。未幾，景復廢棟，自立。繹乃遣王僧辯討景。僧辯破之。曰：平賊之後，嗣君棟何以為禮？繹曰：六門之內，自極兵威，蓋謂殺棟也。景敗，沉棟於水。繹乃即位於江陵。是為

元帝在位三年西魏兵入江陵繹被殺六門 ○八月耿炳
 自晉以來建康外城惟設竹籬而有六門
 文率兵十三萬與燕王戰於浞沱河敗績副將軍李堅等
 皆被執喪師三萬退保真定帝聞怒黃子澄薦李景隆遂
 遣景隆代炳文景隆馳至德州收集炳文將卒并調諸路
 兵五十萬進營河間燕王聞之曰李九江豎子耳寡謀而
 驕未嘗習兵輒予以五十萬是自阬之也然吾在此彼不
 敢至今出援永平以致其師是一舉解永平圍而破景隆
 也遂援永平官軍吳高棄輜重走景隆知燕兵出引軍圍
 北平燕世子高熾堅守不戰時燕王乘勝抵城下城中之
 兵鼓譟而出內外夾攻景隆軍敗績奔德州 ○十月燕王

燕王誘執

誘執寧王奪其衆寧王名權國太寧為巨鎮兵皆驍勇善
 戰燕兵起朝廷慮寧王與燕合召寧王至京師寧王不至
 坐削護衛燕王聞之喜帥師兼程趨太寧襲破其西門駐
 師城外單騎入城詭言窮蹙求救執寧王于大慟求代草
 表謝罪而陰令東士結部長及諸部卒及辭去寧王祖之
 郊外伏兵擁寧王行燕王遂奪其兵軍威大張 ○李景隆
 聞燕兵攻太寧進師攻北平燕王兵至擊之景隆敗走還
 德州黃子澄等匿不以聞遂遣人密語景隆隱其敗勿奏
 ○燕王復上書自理以誅齊泰黃子澄傳檄天下 ○十二
 月罷齊泰黃子澄以燕王疏二人罪也二人名雖罷退實

祭道神曰祖共工子曰修
好遠遊舟車所至無不修
其故也

李景隆之敗

李景隆白溝河之敗

塵鞭招後

籌畫治兵如故。○庚辰二年四月李景隆駐德州及郭英吳傑等合軍六十萬次於白溝河燕王率兵十餘萬馳入陣都督瞿能父子奮擊所向披靡燕王即麾諸軍突入先以七騎馳擊之官軍飛矢如注射王馬凡三被創三易之馬卻阻於隄幾為瞿能所及燕王急走登隄佯麾鞭若招後繼者景隆疑有伏不敢上隄燕王得免復率眾入陣瞿能父子躍而前大呼滅燕斬其騎百餘人越雋候俞通淵等復引眾奮躍赴之會旋風起折大將檣官軍相視而動燕王乃以勁騎馳擊瞿能父子及俞通淵等諸將俱死大軍敗績景隆單騎走德州（音遂大將旗也）以全羽（繫旌上取全而遂之之義）○五

王省死節
 月李景隆奔濟南燕兵入德州（音遂大將旗也）至濟陽執教諭王省既而釋之省還隄明倫堂集諸生曰此堂名明倫今日君臣之義何在遂大哭以頭觸柱而死○燕王帥師圍濟南參政鐵鉉等擊却之遂復德州鐵鉉偕都督盛庸誓以死守燕王乃堰水灌城城中人大懼鉉詐令軍民出降伏勇士開門候燕王入用板下之傷王馬首王驚易馬逸去大怒以（大也）擊城將破鉉書高皇帝神（牌懸城上燕兵不敢擊）鉉每出其不意擊破之燕王遂解圍還北平鉉等乘勝復德州兵勢大振帝即軍中擢鉉為兵部尚書贊理大將軍事封盛庸為歷城候（先是召李景隆還以左都督盛庸為大將軍）○十二月燕

事封盛庸為歷城候（先是召李景隆還以左都督盛庸為大將軍）○十二月燕

王率兵至汶上。掠濟寧。盛庸鐵鉉躡其後。營於東昌。燕王以精騎衝入中堅。庸軍圍燕王數重。斬其驍將張玉。其將朱能率蕃騎來翼燕王。出庸軍乘勝斬獲無算。燕兵大敗。是役也。燕王數危。諸將奉帝詔母使朕有殺叔父名之詔也。莫敢加。及至是。奔北。燕王獨以一騎殿。後追者數百人。不敢迫擊。燕王遂還北平。○辛巳。三年正月。帝以東昌捷告大廟。復齊泰。黃子澄官如故。○三月。燕王率衆南出保定。盛庸營夾河。燕王來覘。掠陣過庸。遣騎追之。斬其將譚淵。燕軍大挫。明日復戰。庸大敗。走還德州。○四月。燕兵次于大名。帝聞庸軍敗。大懼。詔竄齊泰。黃子澄於外。燕王聞之。乃上書請

罷盛庸。吳傑平安。兵帝詢方孝孺。遣使赦燕罪。令罷兵歸藩。燕王不奉詔。未幾。諸將分兵斷燕餉道。燕王患之。復上書。伸前請。帝將許之。孝孺曰。兵罷不可復聚。願母為所惑。帝乃下其使於獄。以絕燕。○十二月。燕王大舉南犯。燕王起兵三年。所陷城邑。兵去復為官軍守。故不敢決意南下。時帝御中官甚嚴。皆怨望。遂密告燕。以京師空虛可取。狀燕主慨然曰。頻年用兵。何時已乎。當臨江一決。不復返顧矣。遂大出兵。○壬午。四年正月。燕兵陷東阿。吏目鄭華死之。尋克沛縣。知縣顏伯瑋。主簿唐子清等死之。○二月。平安及燕兵遇于淝河。戰不利。退屯宿州。○四月。總兵何福

都督平安師屯靈壁燕兵攻破之福遁去安被執燕王帥
騎兵戰福麾步兵而前平安帥後軍來接奮擊破之遂斬
燕將陳文平安轉戰遇燕王於北坂王急幾為安掣所及
燕蕃騎指揮王騏躍馬入陣援燕主得脫明日復戰軍敗
安被執見燕王王曰淝河之戰公馬不蹶何以遇我安大
言曰刺殿下如拉朽耳王大息曰高皇帝好養壯士釋之
遣還北平自是官軍益衰燕兵乘勢下泗州盱眙遂陷楊
州○六月燕兵漸逼京師震動方孝孺曰事急矣莫若割
地求和以俟四方勤王之師乃遣使說燕王王不從群臣
勸帝幸浙惟孝孺力主守京城燕兵至城李景隆等開門

太祖遺篋

迎降帝欲自殺翰林編修程濟曰不如出亡少監王鈺進
曰昔高帝升遐時有遺篋曰臨大難當發硃紅篋至急
命舉火焚大內皇后馬氏赴火死程濟啓篋得度牒三張
并披剃之具即為帝祝髮吳王教授楊應能監察御史葉
希賢亦祝髮各披牒從帝出亡二十二人帝至鬼門而一
舟艤岸為道士王昇見帝叩頭稱萬歲曰臣固知陛下之
來也疇昔高皇帝見夢令臣至此耳乃乘舟帝曰今後俾
以師弟稱不必拘主臣禮也遂取道溧陽去帝在位四年
改元者一曰建文祝髮斷其髮曰祝疇昔檀弓疇昔之
以壽終燕王即位是為成祖文皇帝

聖宗云相傳帝避去先入
未幾入燕者惟宋廣西貴
州諸寺中正統庚申出溧
陽寺僧曰我建文帝也尚
欲曰我願常願晉動耳以開
世嗣幸萬至京師西不內
老佛以壽終

方孝孺死節

成祖文皇帝名棣太祖第四子。初封燕王舉兵陷京城。建文出亡。遂自立為帝。○六月。削魏國公徐輝祖。爵輝祖當燕師渡江。猶引兵力戰。京師陷。諸武臣咸迎附。勸進輝祖獨不屈。削爵幽私第。○殺故博士方孝孺。及建文帝遜去。即召用孝孺。不屈繫之獄。上欲草即位詔。乃召出獄。孝孺斬衰入見。悲慟徹殿階。上曰。我法周公輔成王耳。孝孺曰。成王安在上。曰。伊自焚火。孝孺曰。何不立成王之子。上曰。國賴長君。孝孺曰。何不立成王之弟。上降榻勞曰。此朕家事耳。先生母過勞苦。左右授筆札。上曰。詔天下非先生不可。孝孺大批數字。擲筆於地。且哭且罵曰。死即死耳。詔不

鐵鉉死節

可草。上怒。令以刀抉其口。至兩耳。復鋼之。獄大收其朋友。門生。殺之。九族以下。坐死者八百餘人。每誅一人。必令孝孺視之。而後出。孝孺磔之聚寶門外。九族高祖至玄孫之親。五服異姓之親亦在其○殺故兵部尚書鐵鉉。鉉被執。至京。陛見。背立廷中。正言不屈。令一顧。不可得。割其耳鼻。竟不肯顧。執其肉。納鉉口中。令啖之。問曰。甘否。鉉厲聲曰。忠臣孝子。肉有何不甘。遂寸磔之。至死。猶喃喃罵不絕。○八月。殺故左僉都御史景清。初。清知帝出亡也。猶思興復。詭自歸附。恒伏利劍於衣襟中。一日。帝出御門。清奮躍而進。將犯駕。被執。清植立。慢罵。抉其齒。且抉且罵。含血直噴御袍。乃命剝其皮。草

景清

齊泰
黃子澄

王叔英

暴昭

練子寧

積之械繫長安門帝駕過門所械皮趨前數步為犯駕狀
 上命燒之已而上寢夢清仗劍追繞御座覺曰清猶為厲
 耶命赤其族籍其鄉轉相扳染謂之瓜蔓鈔村里為墟音
巽噴也覺音教為墟為去聲 ○齊泰黃子澄亦至上親詰
草橫橫棺也以草為積也 之抗辯不屈遂磔於市坐黨死者百餘人 ○翰林修撰王
 叔英書絕命詞曰生既久矣愧無補于當時死亦徒然庶
 無慚于後世與其妻俱縊 ○尚書暴昭斷其手足罵不絕
 口死之 ○尚書陳迪割其子鼻令食之迪死不變 ○右副
 都御史練子寧被縛語不遜命斷其舌上曰欲效周公輔
 成王耳子寧手探舌血大書地上成王安在四字遂磔之

姚善
黃鉞

解縉變節

順天府
北京

宗族棄市者百五十餘人 ○蘇州知府姚善被執至闕厲
 聲不屈殺之其友給事中黃鉞聞而起水死 ○九月大封
 靖難功臣為侯伯者二十九人餘將士論功有差 ○命解
 縉直文淵閣初縉與周是修約赴難後縉變節是修死縉
 為作傳因語其子曰使吾亦死誰為汝父作傳識者笑之
顯今崇 ○建文帝附舟至京口過六合陸行至襄陽至是住鎮
南府 ○癸未永樂元年二月改北平為順天府置北京
 ○徙寧王於南昌初寧王被誘入關也帝約以事成中分
 天下及即位留之京師時大寧殘廢已無可歸乃乞改南
 土請蘓州及錢塘皆不許封之南昌已而有誣告寧王巫

寧王鞠脂
得無患

蠱狀者寧王聞自鞠脂構精廬一區讀書鼓琴其中終日

之世得無患平蠱則日曾實女能事無形以舞降神曰巫

功帝喜以為類已高煦亦以此自負謀奪嫡上議建儲武

臣咸言高煦宜立惟文臣金忠以為不可上密詔解縉縉

言立嫡以長復問黃淮亦曰長嫡承統萬世正法上意遂

決○擢道衍為太子少師尋命道衍賑濟蘇湖往見其姊

姊拒之曰貴人何用至貧家為不納道衍乃易僧服往姊

堅不出家人勸之姊不得已出立堂中道衍即連下拜姊

道衍姊

長嫡承統
萬世正法

道衍姊

曰我安用爾許多拜曾見做和尚不了底是個好人遂還

戶內不復見道衍已復姓姚名廣孝終不蓄髮娶妻居止

寺觀○丙戌四年十二月新城候張輔西平候沐晟等大

破安南兵初建文中其臣黎季犛弑國王陣日焜及其二

子顯案篡其位既而傳之於子蒼自稱太上皇朝廷不知

也帝初踐祚蒼遣使奉表朝貢詭言安南王陳氏絕嗣臣

為眾所推乞賜封爵帝從其請明年前國王孫陳天平來

奔懇其實請復讐乃遣使詰責蒼卑辭謝罪請迎天平歸

國帝信之遣黃中呂毅等以兵納天平於安南蒼伏兵劫

殺天平帝大怒七月命張輔等討之安南有東西二都依

以畫獅破象軍

宣洮沱富良四江為固新築城於多邦隘連亘九百里輔軍次富良江遣將破賊於喜林江遂進攻多邦城夜四鼓令軍士人持炬火銅角越重濠雲梯傳其城士卒蟻附而上角鳴萬炬齊舉遂入城賊驅象迎戰輔以畫獅蒙馬衝之翼以神機火器象皆反走賊大潰遂克東都別將李彬克西都三江州縣皆望風降

銅角銅鑼也正字通築銅為之形如盆角通禮義纂曰蚩尤與黃帝戰帝命吹角作龍鳴以禦之按角長五尺以皮為之或以竹木其形如竹筒木細而未大雲梯事始云公輸般造雲梯以攻宋城可以凌空立之畫獅獅爾雅狻猊食虎豹注狻猊獅子也似虎正黃有髯尾端茸毛大如斗正字通獅怒則威在商喜則威在尾每吼百獸辟易宋宗毅討林邑王范陽邁傾國來戰以具裝被象前後無際毅以為外國有獅子威服百獸乃製其形與象相禦象果驚奔因此潰亂遂克林邑

○丁亥五年

安南平 置交趾布政司 成祖惑於佛教

五月張輔等克安南禽黎季犛及子蒼檻送京師餘眾悉降安南平得府十五州四十一縣二百八戶三百十二萬封張輔等七人為公侯伯餘賞賜有差乃置交趾布政司以尚書黃福領之○命西僧哈立麻設法薦皇考妃而天花甘露白鶴空中備現妙相帝信之自是潛心釋教○己丑七年二月帝幸北京留皇太子監國○給事中郭驥使韃靼為所殺先是韃靼知院阿魯台殺可汗鬼力赤迎立元族本雅失里為可汗帝以書諭之不聽至是復遣驥本雅失里殺之可汗音楷寒猶漢曰天子○庚寅八年二月帝自將眾五十萬出塞○三月工部尚書嚴震使安南密訪建文帝忽

嚴震死節

獻騶虞

黃淮如立高岡

與帝遇於雲南道中相對而泣帝曰何以處我對曰上從便臣自有處夜縊於驛亭中帝結庵於白龍山尋復他去

○五月車駕至臘胸河本雅失里西奔阿魯台東奔帝追及斡難河本雅失里拒戰大敗以七騎遁帝遂移師征阿魯台亦大敗遠遁帝乃班師十月還南京○癸巳十一年五月山東曹縣獻騶虞說文白虎黑文尾長於身足不履生草食自死之肉故為仁獸

韃靼太師阿魯台遣使來納款且請得部署女真吐蕃諸部上以問左右多請許之黃淮獨不可曰此屬狼子野心分則易制合則難圖矣上顧左右曰黃淮如立高岡無遠不見諸人處平地所見惟目前耳乃不許阿魯台之請封

親征瓦剌

為和寧王賜金帛

狼子野心左傳狼子野心非是莫喪羊古氏矣文選北狄野心注野心謂如野

○甲午十一年二月帝親征瓦剌三月車駕發北京皇太孫從上謂侍臣曰朕長孫聰明英睿智勇過人今肅清沙漠使躬歷行陣見將士勞苦征伐不易又謂胡廣楊榮等曰每日營中間暇爾等即以經史於長孫前講說文事武備不可偏廢○六月帝次蘭忽失温馬哈木以衆三萬來戰柳汗以神機砲斃其騎數百帝率鐵騎乘之馬哈木遂大潰走追至土刺河生擒其將數十人馬哈木乘夜北遁帝乃還北京○八月上北征還太子遣使迎車駕緩且書奏失辭上怒曰此輔導之咎也漢王高煦復譖之遂

按葛刺國
獻麒麟
纂修五經
四書

漢王高煦
徙居樂安

逮尚書蹇義學士黃淮諭德楊士奇洗馬楊溥芮喜正字
 金問等下獄既而特宥義及士奇復職○榜葛刺國獻麒
 麟刺音粹西天有五印度○十二月命儒臣纂修五經四
 書性理大全○乙未十三年二月解縉死于獄縉以論事
 忤旨謫交趾聞帝北幸潛返見皇太子帝怒其擅歸故殺
 ○罷海運帝初建北京河海兼運海運險遠多失亡而河
 運則由江淮達武陽陸輓百七十里入衛河民苦其勞九
 年命工部尚書宋禮浚會通河會通河故元運道由濟寧
 達臨清今年開浚既成民免陸輓之勞糧運便利於是罷
 海運○丁酉十五年三月漢王高煦有罪徙居樂安先是

妖婦唐賽
兒為亂

高煦封漢王國雲南曰何罪在萬里及改青州曰何為
 置我瘠土留居京師造兵器陰養死士招納亡命僭用天
 子車服帝大怒召至詰之繫之西華門內將誅之皇太子
 涕泣力救乃徙封樂安促即日行帝顧謂皇太子曰樂安
 去京甚近如其作禍可朝發而夕擒之樂安青州
樂安縣○庚子
 十八年二月蒲臺妖婦唐賽兒以幻術聚眾據益都卸石
 柵為亂攻下莒即墨圍安邱山東大震詔安遠候柳升總
 兵往勦升意輕賊賊乞降信之夜為所襲都指揮劉忠中
 流矢死比明升始覺賽兒已遁別賊攻安邱益急都指揮
 衛青方屯海上聞之帥千騎晝夜馳抵城下大敗之斬馘

六千餘人。鰲山指揮王真亦殲賊於諸城。賊遂平。而賽兒

卒不獲。幻術妖術也。前漢張騫傳。對眩人注。眩讀與幻同。即今吞刀吐火植瓜植樹屠人截馬之類。皆是也。即司夜切。勒畧取也。馘截耳也。詩大雅攸馘安注。軍法獲而不取。則獻其左耳。殲盡殺之也。○十一

月。皇太子赴北京。過鄒縣。入民舍。見其衣皆百結。釜釜傾

毀。歎曰。民隱不上聞。若此乎。會山東布政使石執中來迎。

讓之對曰。凡被災之處。皆已奏請。賜今年秋糧。太子曰。民

飢且死。尚及徵稅耶。速取勘。飢民口數。悉發官粟賑之。太

子至。即奏之。帝曰。昔范中淹之子。猶能舉麥舟濟父之故。

舊况。百姓吾赤子乎。坐俗竈字○辛丑十九年正月。元旦。帝御

奉天殿。受朝賀。大赦。北京經營既成。定都於此。改京師為

子百姓吾赤

親征阿魯

南京以北京為京師。○壬寅二十年三月。帝親征阿魯台。

初。阿魯台為瓦剌所敗。窮蹙南竄。帝納而封之。數年生聚。

繁富。浸桀驁。拘留朝使。出沒塞下。為寇。至是大舉入興和。

殺守將王瑛。帝遂決意親征。駕至雞鳴山。阿魯台聞之夜

遁。遂擊元良哈。敗之。乃還京師。○十一月。阿魯台絀其主

本雅失里。自稱可汗。音極栗。猶復曰天子。○癸卯二十一年二月。建文帝入楚

游漢陽。程濟從。○五月。常山中護衛指揮孟賢。宦官黃巖

等。連結貴近。謀進毒於上。從中下詔。廢太子而立趙王高

燧。布置已定。中護衛總旗王瑜上變。帝立捕賢等。鞫之。得

實。帝顧趙王曰。汝為之耶。趙王未對。太子解之曰。此下人

阿魯台自稱可汗建文帝入楚

所為高燧必不與知乃得免賢等皆伏誅○七月帝復親
 征阿魯台至上莊堡韃靼王子也先土于率眾來降帝喜
 曰遠人來歸宜以旌異之乃封為忠勇王賜姓名金忠遂
 班師還京師○甲辰二十二年正月阿魯台寇大同○四
 月帝親征次答蘭納木兒河彌望荒塵野草阿魯台遁走
 已久前鋒陳懋金忠引兵抵白邨山下咸無所遇以糧盡
 還七月師次蒼崖帝不豫庚寅次榆柳川帝大漸召張輔
 遺命傳位皇太子而崩帝在位二十二年改元者一曰永
 樂壽六十五皇太子即位是為仁宗昭皇帝大漸病甚也周書顧命病漸木

孝廉也

賜銀圖書

忠孝之人
可任輔導

續十八史畧讀本卷之二

四十六

仁宗昭皇帝名高熾成祖長子也○八月成祖訃至禮部

尚書呂震請從漢制以日易月帝不可自是臨朝素服退

則衰漢文帝後七年夏六月帝崩遺詔短○釋戶部尚

書夏原吉大學士黃淮等於獄復其官夏原吉先諫成祖

○賜義等銀圖書各一其文曰繩愆糾謬諭之曰今朕嗣

位之初賴卿等協心贊輔凡政有關失羣臣及卿等言之

而朕未從悉用此印密疏以聞銀圖書陸文量曰古人於

也周書罔命曰繩愆糾謬格其非心俾克紹先烈○十

一月赦建文奸黨族屬並放還家給還田產○乙巳洪熙

元年三月帝聞前光祿寺丞權謹孝行曰忠孝之人可任

可任輔導

輔導遂召為文華殿大學士。○大理少卿弋謙敢言呂震
劾其賣直乃貶楊子奇曰進言者將以言為戒矣自是月
餘果無一言帝曰士奇真大臣也乃下詔自責因復謙官
○四月山東飢帝召楊士奇令草詔免稅士奇請聞戶部
帝曰救民之窮當如救焚拯溺不可遲疑使聞戶部慮國
用不足必持不決之議左右言地方千餘里其間未必盡
荒宜有分別庶不濫恩帝曰恤民寧過厚為天下主乃與
民寸寸計較邪○帝明於星象忽夜見星變召楊士奇等
語曰天命盡矣乃歎息而起明日復召蹇義及士奇語曰
朕監國二十年為讒慝所構心之艱危吾三人共之朕去

恤民寧過厚

世後孰知御等之雅言已流涕然義士奇亦流涕帝遂出二
敕一印一賜義文曰忠貞一賜士奇曰貞一皆拜受而退
○五月帝崩在位一年改元曰洪熙壽四十八皇太子即
位是為宣宗章皇帝
宣宗章皇帝名瞻基仁宗太子成祖立為皇太孫仁宗立
為皇太子往留南京監國至是即位○丙午宣德元年八
月漢王高煦反初高煦徙國樂安益怨望日夜造軍器籍
丁壯為兵至是遂反立五軍都督府授王斌朱恒大師尚
書等官約山東都指揮靳榮為助期先取濟南然後犯闕
復遣枚青約英國公張輔為內應輔執青聞於朝高煦遣

漢王高煦反

使奏索多誅姦臣以夏原吉為罪首帝急召諸大臣議揚
榮首勸帝親征帝難之原吉曰兵貴神速宜卷甲鞞戈以
往一鼓而平之若命將出師恐不濟帝意遂決即發京師
蓐食兼行駐蹕樂安城北賜書諭高煦又以勅繫矢射城
中諭黨逆者以禍福城中人多欲執獻高煦者高煦狼狽
無據請降願假今夕訣妻子帝許之高煦夜焚兵器及逆
逆文書昧爽出見乃械高煦父子及倡謀者數人赴京師
群臣請移師執趙王誣以連謀之罪則朝廷永安矣楊子
奇獨不可曰誣以連謀何能服人且文廟三子惟趙王在
聽群議而剪本枝竄為陛下不取也乃言者葉傑士奇請

便語

封群臣言章遣使齎以示之使自處趙王大喜曰吾生矣

即自削其護衛以謝日三十里也兼行六十里也昧爽

書疏昧是晦冥爽是未明謂夜向晨也械桎梏也械在足
曰桎在手曰梏本枝詩大雅本枝百世注本宗子也枝庶
子也狼狽無措者謂之狼狽○九月帝至京師廢高煦

為庶人鎖繫大內道遙城一日上往視之高煦伸一足鉤

上仆地帝大怒亟命力士舁銅缸覆之重三百斤高煦有

力頂負缸起乃積炭缸上然炭逾時火熾銅鎔高煦死○

丁未二年十一月罷交趾布政司冊封安南陳主三世孫

暲為安南國王○帝語講官曰伯夷太公皆歸文王及武

王伐紂一輔之一諫之何講官窮于對帝曰伯夷之心在

薛瑄事道

萬世太公之心在當時也。○以薛瑄為監察御史瑄初長于詩賦及見周程張朱之書曰此道學正脉也遂焚其所作詩賦而專事道學至是拜御史三楊楊士奇楊榮楊溥稱嘆不已曰薛公見瑄曰某忝糾劾之任義無相識三楊稱嘆不已曰薛公見且不得况得屈乎○庚戌五年正月少保戶部尚書夏原吉卒原吉天性寬平人無識與不識皆稱為長者嘗一隸汗所服織金賜衣懼欲逃原吉曰可浣無懼嘗與同列飲於他所夜歸值雪過禁門有欲不下馬者原吉曰君子不以冥冥情行其寬仁敬慎類如此○蘇州等大郡煩劇難治特選况鐘為知府假便宜行事赴任視事初若木訥昏

夏原吉雅量

况鐘治蘇

有弊蠹輒默識之通判趙忱肆謾侮亦不校及期月一旦宣勅召府中胥悉前大聲言某日某人某弊群胥駭服不敢辨立殺六人由是肅然蘇人稱之曰况青天○辛亥六年七月帝夜從四騎至楊士奇宅士奇叩頭曰陛下何自輕萬一變起倉卒奈何明日問士奇何不謝對曰車駕夜出臣恐漏之故不敢謝後有盜謀不軌欲乘帝夜行發帝嘆曰士奇言不虛遂止夜行遣使賜士奇金綺○壬子七年六月詔修各州縣廣濟倉洪武間郡縣皆置四倉以貯官穀令富民守之遇水旱饑饉以貸貧民至是復修之○癸丑八年三月少保黃淮致仕歸國帝宴于太液池製詩

送之○十一月令諸縣各設濟農倉明年江南大旱諸郡
 發濟農米以賑貸民不知饑○甲寅九年十二月有僧自
 陳修寺祝延聖壽詔斥之帝曰人情莫不欲壽古之人君
 若商中宗高宗祖甲周文王享國最久其時豈有僧道神
 仙之說秦皇漢武求神仙梁武宋徽崇僧道效驗可見世
 人不悟可歎也○乙卯十年正月帝崩在位十年改元者
 一曰宣德壽二十七時皇太子方九歲群臣欲擇長君楊
 士奇楊榮入臨畢請見太子即呼萬歲而群議乃息於是
 太子即位是為英宗睿皇帝

英宗睿皇帝名祁鎮宣宗長子宣宗遺詔國家重事白張

太后行左右有請垂簾聽政者太后不可召入英國公張
 輔太學士楊士奇楊榮楊溥尚書胡濙太后顧帝曰此
 人先朝所遺皇帝者有政必與之訓非五人贊成不可行
 也帝受命有頃宣太監王振振狡黠多智事仁宗於東宮
 夕侍左右及即位命為司禮監寵任之振至俯伏太后曰汝侍皇帝起居多
 不律今當賜汝死帝跪為之請諸大臣皆跪太后曰皇帝
 年少豈知此輩禍人家國我聽皇帝暨諸大臣貸振此後
 不可令于國事也○丙辰正統元年二月應天府尹鄭瑄
 初為陝西按察副使有聲嘗以俸易一紅襖寄歸父父曰
 此子不才若斯乃以不義汚我也遂封還貽書責之瑄泣

建文帝至京師

受其教繼為府尹益勵其操。○庚申五年三月建文帝至京師建文帝好文章能為詩歌至是出亡蓋三十九年矣。會有同寓僧者竊帝詩詣思恩知州岑瑛佯曰吾建文皇帝也瑛大駭因繫僧及建文帝飛章以聞詔械入京師程濟從命御史廷鞫之僧稱年九十且死思葬祖父陵旁耳。御史言建文帝生洪武十年距正統五年當六十四歲何得九十歲廉其狀僧實楊應祥鈞州白沙里人奏上僧論死下獄建文帝白其實御史密以聞閹官吳亮老矣逮事建文帝乃令探之建文帝見亮輒曰汝非吳亮邪亮曰非也建文帝曰吾昔御便殿汝尚食食子鵝稟斤肉於地汝

了元野羅家曰鵝家所養者

吳亮忠義

午執壺據地狗銜之乃云非是邪亮伏地哭建文帝左趾有黑子摩視之持其踵復哭不能仰視退而自經於是迎建文帝入西內程濟聞之曰今日方終臣職矣往雲南焚瘞散其徒建文帝既入宮號曰老佛以壽終葬西山不封不樹。楊應祥下獄閱四月死同謀僧十一人皆戍遼東自後巴蜀間相傳有帝為僧時往來跡至京途中吟云流落江湖四十秋歸來不覺雪盈頭乾坤有限家何在江漢無情水自流長樂宮中雲影暗昭陽殿裏雨聲愁新蒲細柳年年綠野老吞聲哭未休不封不樹家語王肅注云不聚土以起墳不樹松柏也不封不樹以為至卑無飭也周禮庶人不封不樹○詔贈建文死難諸臣爵各祀于鄉○七月少

楊榮卒

師大學士楊榮卒先是王振語楊士奇曰朝廷事賴三位揚士奇楊榮楊溥老先生然既高年倦勤後當何如士奇曰老臣

四人竟是吾輩人

張太后人謂女中竟

當盡瘁報國死而後已。楊榮曰：先生安得為此言？吾輩老無能效，力當以人事君耳。振喜，越日即薦曹萬苗、袁陳、循、高穀。次第擢用，士奇因尤。榮曰：彼厭吾輩，吾輩自立，彼容能已乎？一旦內中出片紙，命某某入閣，則吾輩束手矣。今四人竟是吾輩人，何傷也？士奇是其言。○辛酉六年八月，楊士奇薦薛瑄，可大用，乃召為大理少卿，令詣王振。謝瑄曰：安有受爵公朝，拜恩私門耶？振不悅，欲處以死。賴群臣救免。○壬戌七年十月，太皇太后張氏崩，太后性明，太后之力也。○癸亥八年四月，雷震奉天殿，詔求直言侍

謂女中竟

楊士奇楊榮楊溥

薛瑄在獄讀易

王振老僕

楊士奇卒

五十二

講劉球上言十事，振怒，下獄，以計殺球。球知不免，大呼曰：死，訖太祖太宗，自是莫敢言振。振遂擅政權，生殺與奪，盡在其手。舉朝皆以翁父稱之。廷臣皆行跪禮。○薛瑄為人，辨寬，王振素銜瑄。族御史劾瑄受賄，下獄，論死。瑄怡然曰：辨寬，獲罪死，何愧焉？在獄讀易，以自娛。子淳等請代死，不許。振老僕泣於闕下，振問之曰：薛小卿不免，是以泣，曰：何以知之？曰：鄉人也。因述其平生。振少解，會侍郎王偉申救之，得免死，除名放歸田里。○八月，祭酒李時勉守正不阿。王振矯旨，枷國學門，諸生數千訐闕，乃釋。○甲子九年三月，少師兵部尚書兼大學士楊士奇卒。○丙寅十一年三

頂械也

楊溥卒

月王振怒河南山西巡撫于謙族言官誣之罷為大理少
 卿二省民赴闕訴之乃復命巡撫○七月少師禮部尚書
 兼大學士楊溥卒○戊辰十三年七月福建沙縣民鄧茂
 七反稱閩王烏合至數十萬雲南等民叛天下一時騷動
 ○己巳十四年二月瓦剌也先遣使二千人進馬報作三
 千王振怒其詐斬一人自是失好大舉入寇○六月北京
 謹身奉天華蓋三殿災紹興山移於平地又地動白毛遍
 生陝西二處山崩山移有聲三日不絕移三里南京宮殿
 火是夜大雨殿基生荆棘高二尺○七月瓦剌也先寇大
 同所至無不陷沒邊報日至王振勸帝親征官軍五十萬

樊忠撞死
 王振
 虜擁帝去

人出居庸關至宣府群臣請留王振終不聞車駕至大同
 振尚欲北郭敬密止之始班師也先襲軍後多失我良次
 日至土木未晡鄜墊請車駕疾驅入關振怒曰腐儒安知
 兵事遂駐土木旁無水泉又當敵衝掘井深二丈不得水
 人馬饑渴也先遣使請和帝許之虜佯退振遽令移營回
 旋間行列已亂虜大呼四面蹂躪入全軍大敗時護衛將
 軍樊忠從帝旁撞死王振曰為天下誅此賊遂突圍殺數
 十人死之張輔鄜墊曹鶴而下數百人皆死帝乃下馬南
 面而坐有一虜將加害其兄來曰此非凡人擁帝去賽刊
 王馳見也先曰部下獲一人甚異得非大明天子乎也先

召使中國二人問是否二人見大驚曰是也也先喜曰我常告天求大元一統天下今果有此勝問衆何以為計一人大言曰天以仇賜我不如殺之伯顏帖木兒大怒曰安用此人在旁摧其面去因謂也先曰我等久受大明皇帝恩賞那顏若遣使告中國迎返天子豈不萬世美名乎也先然其言以帝送伯顏帖木兒營令護之報至京師大震皇太后遣使詣虜贖駕弗許乃集百官議立郕王祁鈺時群臣殺王振黨指揮馬順頃刻薙粉郕王懼欲退還宮兵部侍郎于謙直前止之請詔族王振家以安人心詔下群臣哭謝國事始寧

那顏猶漢言大人也薙粉與齏粉同凡醢醬所和細切為齏粉謂碎之也

景皇帝名祁鈺宣宗第二子英宗弟也初封郕王英宗北狩皇太子幼冲皇太后命王即位遙尊英宗為上皇○九月也先擁上皇至大同城索金幣約還駕都督郭登郭子興子不納衆或勸之曰虜紹我也上皇隨侍袁彬以頭觸門大呼于是不得已括城中公私金銀共萬餘兩贖駕虜獲金同定英興安召廷臣決計侍講徐珵言曆數當南遷英叱之于謙抗言京師天下根本一動則大勢盡去宋南渡可鑒也金英宣言曰敢言遷者帝命必誅之固守之議乃決虜師圍京師謙躬擐甲率先士卒以示必死泣以忠義諭三

金英興安

于謙以忠義諭三軍

軍人人感奮勇氣百倍武清伯石亨等奮戰相當虜知有
備少沮而王師四至我軍大振也先北遁○十一月京師
解嚴群臣議留邊將守京兵科給侍中葉盛曰今日之事
邊關為急往者獨石馬營不棄六師何以陷土木紫荆白
羊不破虜騎何自薄都城苟邊關不固雖保九門無益也
悉遣還解嚴整兵曰戒嚴罷兵曰解嚴○庚午景泰元年六月也先數入
寇邊將力戰皆却之至是先氣沮遣使議還上皇群臣
許之帝不悅下謙曰大位已定但迎還以弭邊患耳乃遣
右都御史楊善迎上皇善等至也先營平章昂克曰有何
禮物來迎善曰送還天子圖垂名萬世豈利財物乎也先

然其言張宴餞上皇羅拜而別命其部將率騎五百護送
至京千戶遂榮請帝避位帝怒下榮獄上皇先遣人言于
帝曰登極非我願矣帝乃迎拜上皇答拜各述授受意帝
送上皇至南城宮群臣就見而退大赦天下沮止也恐怖也謂羅列而拜○辛未二年正月淮徐大饑死者相枕藉巡撫王
竑不待奏報大發倉儲賑之飼粥給米被鬻者贖歸其家
病者與藥死者給棺窮晝夜竭精慮皆出於至誠其用米
一百六十餘萬石全活數百萬人人述其行事為救荒錄
世傳焉帝得竑奏大喜曰好御史竑官右僉都御史不然饑死我
赤子矣○度僧道五萬餘于謙上言今四方多流徙之民
好御史

有脚城

廢上皇太子為沂王

三邊缺戰守之士度僧太多恐乖本末帝不省帝頗事聲色奢侈以金銀豆擲地令宮人爭拾笑樂○壬申三年正月兵部侍郎李賢論備邊以車制為首號曰有脚城其制長丈五高六尺外蒙以鐵內藏其入上開小窗下開銃眼得車千數周圍相比砲不得入箭不得傷敵至則發砲箭去則移倣軒轅破蚩尤陣法以練兵其法如井田制大軍以逐之○五月廢上皇太子見深為沂王而立帝子見濟為皇太子先是帝欲易儲語大監金英曰七月初七日東宮生日帝子見濟生日也英若不解其意對曰東宮生辰是十一月初二日上皇子見深生日帝默然至是帝意既定恐大臣不從密啖以金陳循王文等遂以太子為可易議乃定○癸酉

治河決

楊集上書于謙

四年十月右僉都御史徐有貞治河決一置水門一開支河一審運河五百餘日而功成自是山東河患少息○甲戌五年五月儀制郎中章倫御史鍾向並奏宜復立沂王為皇太子帝大怒下錦衣獄進士楊集上書于謙曰公等國家柱石乃戀官僚之賞不思所以善後乎二人死杖下而公坐享崇高如清議何謙以示大學士王文文曰書生不知朝廷法度然有膽當進一級處之乃以集為六安州知州進士選知州始此柱石前漢霍光傳將軍為國柱石崇高易係辟傳崇高莫大乎富貴○給事中吳江密言于帝曰群臣多望上皇復位沂王還宮願陞

下預為之所須高增南城數尺以鐵鎔錮其門帝怒謫戍

鐵嶺衛

為之所左傳隱公元年不如早為之所注得其所宜也鎔鑄也錮鑄塞也徐曰鑄銅鐵以塞隙也

○十月也先為阿刺所殺先是也先弒脫脫不花併其部

落自立稱田盛可汗阿刺求為太師不許且殺其二子阿

刺怒率眾攻也先殺之未幾韃靼部字來復殺阿刺求脫

脫不花子麻兒立之號小王子自是韃靼勢復熾○丙子

七年五月少保于謙以疾在告帝遣太監興安等視之安

遣太監視于謙疾

等見謙自奉儉以聞上為計所資用給之駕幸萬歲山伐

竹為瀝和藥丸賜謙言官有言謙柄用過重者興安言謙

日夜與國家分憂不要錢不愛官爵不問家計朝廷正要

用此等人可尋一個來換于謙眾皆默然○丁丑八年正

月帝不豫時儲位未定廷臣請立太子武清侯石亨知帝

必不起乃與副都御史徐有貞內使曹吉祥等謀迎上皇

復位夜半遂薄南城毀門而入掖上皇登輿出時群臣方

早朝會議儲事忽聞呼讓至殿相顧失色須臾有貞出號

於眾曰太上皇帝復位矣趣入賀群臣遂賀廢帝仍為邸

主遷之西內未幾而薨

葬祭如親王謚曰戾成化十一年改謚為景皇帝修飾陵寢

英宗睿皇帝為太上皇七年至是復位改元天順大赦天

下○論迎復功進封石亨為忠國公以徐有貞為兵部尚

書入內閣典機務餘賞賜有差○下于謙王文等獄誣以

以意欲二字成獄

殺于謙

謀之外藩法司勘奏無跡可按石亨曰彼意欲有如此矣
 法司蕭維楨等阿亨輩乃以意欲二字成獄及廷鞫王文
 力辯謙惟默然但曰亨等意已如此辯之何益帝以謙有
 功未忍加刑徐有貞曰不殺于謙今日之事無名遂殺謙
 等而籍其家凡亨等有隙者無不入其羅織羅織羅網無辜織成罪狀
 ○三月復立沂王見深為皇太子○十一月初太后聞殺
 于謙力言謙功帝已悔之至是籍兵部尚書陳汝言家貨
 貝無算帝嘆曰于謙久官向籍其家無他蓄今汝言乃爾
 帝益悟謙寬而惡石曹矣貨貝貝海介蟲也古者貨貝而寶龜周而有泉至秦廢貝行錢
 ○戊寅二年正月釋建庶人文圭文圭建文帝少子也成

石亨伏誅

祖幽之大內時方二歲至是年五十六帝欲寬之李賢曰
 陛下此心太祖在天之靈實臨之左右或以為不可上曰
 有天命者任為之遂出居鳳陽聽其婚娶交遊未幾卒建
 文無後○庚辰四年正月石亨謀反伏誅亨恃功漸恣橫
 納重賄不次遷擢中外將帥多出其門勢焰燿灼天下寒
 心而亨恬不知戒日燕見參預政事所請或不從即艱然
 見於辭色帝不能堪以語李賢賢曰惟獨斷乃可人君之
 權不可下移矣帝以為然亨見帝稍疎斥懷怨望嘗往來
 大同知其可據預命從子彪督其軍為外援以謀不軌其
 家人上變告亨謀反逮治之死獄中彪棄市由亨得官者

大明一統志成

悉黜免帝念亨奪門迎駕之功李賢曰陛下復位寔天與人歸如景帝不諱群臣誰不願請門何必奪且內府之門何可奪而奪之一字亦何可訓也然幸陛下洪福事得濟耳萬一景帝左右先知之亨輩固不足惜不知置陛下何地乎帝曰然寒心謂戰慄燕見私燕而○辛巳五年大明一統志成○七月大監曹吉祥及其養子欽謀廢立事覺伏誅石亨既誅吉祥不自安漸蓄異謀欽慮其洩篋百戶曹福來死為御史所劾按之欽大懼遂與吉祥謀欲擁兵入幽帝于南宮而立皇太子吉祥居中應之謀已定其夕集腹心飲都指揮禿亮恐事敗逸出上變帝即收吉祥

勅諸門勿啓欽率眾至長安門門閉知事泄遂縱火攻之時懷寧伯孫鏜西征卓來師未發急召其軍擊之工部尚書趙榮被甲躍馬大呼曰能殺賊者從我從者數百人鏜之長安門逐賊賊眾披靡欽奔歸家鏜督兵奮呼而入欽投井死遂屠其家盡誅之帝出吉祥磔於市諸從逆者皆伏誅○壬午六年五月都督僉事顏彪破兩廣徭自元年春大藤峽徭為亂兩廣苗獞起廣西殘燬殆遍前年帝命彪討之彪會兩廣兵攻破七百餘寨駐軍大藤峽進擊龍山直抵潯梧所向皆捷徭南夷別種曰徭○癸未七年二月罕中若有聲李賢曰無形有聲謂之鼓妖此上不恤民所致

三楊一李

也。因條陳十事，以進。帝從其半。半未從者，賢爭之數四。然帝深知賢終不以為忤，賢在內閣輔政，知無不言。帝能用之時，稱內閣事功。三楊一李。鼓吹洪範傳曰：君嚴猛而閉，下臣戰栗塞耳，則妄聞之氣發於聲音，故有鼓吹。漢孝哀帝建平二年，有大聲如鐘鳴殿中。李尋曰：此洪範所謂鼓吹者也。人若不聰，為衆所惑，空名得進，則有聲無形，不知所從來。宜退丞相以應天變。○八月，下指揮僉事袁彬獄。尋釋之時，都指揮門達有寵，權傾中外，忌李賢及彬，謀排去之。乃使邏卒掖彬陰私數十事，上之。逮彬下獄，有彩漆軍匠楊暄者，憤然上疏陳達不法二十餘事，擊登聞鼓，以進論救甚力。帝令達勘問，達逼暄供稱李賢主使，欲併陷之。暄佯應曰：可。但我言於此，無人証見。不若請廷鞫我對。

登聞鼓

衆言之。李閣老始不能辭矣。達以為然，以聞。會法司廷鞫，暄大聲曰：死則死耳，何敢枉入此門指揮逼我也。達失色，計沮。彬遂得從輕，調南京。暄亦得免。登聞鼓，古者朝有誹謗之木，敢諫之鼓，所

以通治道，而來諫者也。宋朝曰鼓司，景德四年詔改為登聞鼓院，掌諸上封而進之，以達萬人之情。甲申

八年正月，帝不豫，命大監牛玉執筆，口占使書之一曰：東宮即位百日，成婚。二曰：定后妃名分。三曰：勿以嬪御殉葬。四曰：殯斂器服從舊。命玉持付閣臣潤色。李賢與學士陳文彭時捧讀，敬愴歎曰：止殉葬一事，尤為盛德。是月帝崩。初，即位十四年北征，還居南宮。七年，又在位八年，壽三十八。皇太子即位，是為憲宗純皇帝。口占，占隱度也。隱度，其辭口以授人曰口占。右

遺詔止殉葬

為盛德按宮人殉葬太祖以來皆然英
宗遺命止之故李賢等嘆稱尤為盛德

續十八史略讀本卷之二終

製本師中報銀壹郎



